

國史

十三

終

內閣文庫	
番號	和 15289
冊數	13 ( 13 )
函號	150 22

內閣文庫			
五〇	五二	和	
函	八	書	
六三	九	類	
架	冊	號	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



國史

卷之五

孝順博身立

行也美着在

善也德其為天

無以越廣誠而

是惟守也家聲高

之文所銘天而

其也亦微其

大德也其德

之也而為



孝貞傳第五十

明治十三年購求

雜卷

七十五

馬文庫

行之美者在人之子則莫若孝也在人之妻則莫若  
貞貞烈也彼其為人之父為人夫者孰不朝夕教

誨臥越箴誠而望之子婦哉而賢者或無得之戾如

虎狼妾如鼙鼓瞽而遜悌孝順有稱于其家者尤可怪

也豈所謂天命之謂性者耶非耶德祖之行之篤以

淺妃之故太宗幾不免見廢矣其終請贈外家者抑

何其至也而駿侯以怨望死天壽主有放恣之聲而

天崇主其妹也拒命于嫂叔之義也鳴勝猛筒井氏

之匹命而為三成之腹心豈有教之云爾乎其二子

以孝著甲君之暴也子弟女子有高母之行何哉  
島勝義父曰勝猛為石田三成將慶長五年與兵至  
關原戰敗死勝義兄曰新吉從父死勝義負母從少  
弟已變姓名如駿府居十年資糧盡竭兄弟相謂曰  
無奉母之物何如會懸金于市購求耶蘓將盡誅之  
令弟變告已得金養母弟驚曰如何告兄我為兄死  
耳兄願告我勝義不可詣吏自首請給金于弟亦  
詣吏言勝義實非耶蘓駿府令考驗告上々名見二  
人食邑

沃橋兵大夫加州人也備前侯娶加賀女其母從行

遂為世子八郎乳母迨從備前侯父子于八丈令奴  
婢勿得從婦夫人于加賀乳母詣吏將自殺吏止之  
言上遣之是時兵幼留夫人所元和和中上如京師兵  
亡命為僧遮駕請從母于八丈上憫焉令召母書  
拒之責以忠孝之義上使吏語兵八丈竟不可得往  
更何欲為兵曰願令加賀与之衣糧臣母亦悅上乃  
許之令兵復仕加賀  
肥前守大島義也事母孝母所言必曰諾弟曰播曰  
有若不可為則失言夫子何不面計可否義也曰否  
事親者以順為本當其受命成之与否豈可豫較若

子以義也為色養之孝室永中官至雷守  
富士郡今泉富人中村五郎右衛門親老而菴所求  
無不供嘗若暑欲雨五郎乃同奴婢自屋上灌水父  
母先目盲以為天雨迨五郎將出使婢召之曰雨雖  
止塗泥何不着履五郎乃着履成声而行父母死執  
喪其室出入必告如父母在時里中貧者假貸曰与  
之聞人之急親往問挿金席而去其人追還之五郎  
謝無有如此不一天和二年三月上遣使者四方還  
具狀以聞命蠲復其家世々無所預五郎死子孫產  
業不能如故而孝義不衰

長崎賣菜者名甚太有父菴失明甚太早起炊熟至  
寢所曰某有飯某有羹擔菜出鬻更有所浪倚戶仍  
呼有告之者雖遠必歸供之復出莫洗溷廁而後理  
明晨可鬻者長崎令河野通定知之偶有父子訴者  
名甚太與之金具稱所聞某孝語訴者曰不知父子  
禽獸是已上之置吏者使治民也其豈預禽獸之事  
便放遣之其人大悔嗟改行迨後有孝慈之名  
僧宗融不知何郡人居長崎高雲寺使人迎母々無  
魚不食使所善遇者買魚弟子諫曰夫人雖老不可  
居寺况羞魚乎宗融不可出視善魚親買持歸母死

後不知所之  
長崎人千布仙古有姊母欲為嫁娶仙曰措其母而  
未安事人之母姊亦曰豈措已母而事人之母乎終  
至母沒又有吉兵者繼席為食有一弟一妹父母為  
謀嫁娶妹曰有父母与二兄去之奚適二人亦恐娶  
婦不孝煩固請不止因所親請止父母死事吉如事  
父母吉死事次兄如長兄長崎令佐之間信房賞其  
孝友厚賜之  
德宗為紀侯時紀有殺父之獄其子曰是我家之父  
何于國事而深究之紀侯聞之曰是我不德而教之

不至也使吏教之三年其子愀然淚下請死迨入葬  
大臣有以孝義聞者或賜田宅或与錢穀旌其行也  
使孝士記之顯示四方孝悌之行於是乎起矣蓋善  
勸獎之其在諸侯備前洞津會津島原多孝子非是  
其地多孝子上之化下孝之化無行也  
川井正直洛賈人也少時父母憂其好飲酒年五十  
始志于學受小學于敬義夫子於是悔往日薄于親  
絕不復飲酒竭心力于事親父沒為三年之喪父之  
喪未除喪母復三年後慚賈為農人或言其父之難  
事正直聞之泣然泣下久之曰我不幸遭鳩梟入室  
速驅出之其人不肯去懇求見教正直乃責曰子之  
至于斯者足也告于我者吾也吾与足皆親之遺體  
也以遺體毀本體天地之所不容當伏桑市之罪其  
人伏地泣曰小子不聽有德之言陷于大罪請從是  
改行乃謂其父曰古人有言遺子黃金滿籬不如教

子一經令嗣可為善之人也以不孝至此顧念之其人竟以孝行名于鄉里迄歲季于長澤虎淵之古有高行求見薄迄歲為人不應歲後為鳥羽侯殺國餘大炊頭松平好房島原侯世子也幼見削刀雖針于室堂中恐父母觸履啼之其所望花月必告得珍必羞病則不離側先嘗先試不敢懈雖室及父母之事正坐拜跪如面命之者既長守儉素慎持養懼為父母之憂讀書見忠臣孝子之事未嘗不三復年二十一卒至死強病恐父母憂之也父忠房葬之不以浮屠之法以世子意在于此也

伊達治左車松江侯忠晴以為奴婢不能適父母朝夕祖執事得一魚父曰為贈母曰作羹治左如言同進出則負行如矜力者侯嘉之餉珍奇佐其養

神田孝子五郎作幼其父有罪捶問見之不自勝請代坐知政事忠秋勅吏聽之誓出血不變白薄其罪出之

脩前柴木村甚介有兄世不欲与之居如甚介之家人問媪不衰曰雖公侯之養不我過也何為衰哉兄復曰田薄思欲更之甚介欣然許之所叔倍于前風蝗不傷禾脩前侯召親復田租熊澤良介至其家觀車母語人曰如竟舜之時

三田村孝婦舅使之處無日不楚撻然車之不急曾怒其睡溺曰孝婦引罪自痛涕泣洗之舅大慚憲宗初

使者至備中舅詣館告以狀

紀伊完栗賤女也父躄不能起紀伊扶持不懈又躬治產為衣食隣人曰子任辛若適人得其力不勝終年拮据紀伊謝曰事夫復得事父如今日哉完栗族聞而嘉之每歲与米養其父

一志執之南鄙也有孝子召坐平父年八十餘歲如山田載如祠官家食則餽父之餘賓客坐堂美食對之無愧色妻弟妹事之無不如意見其孝友多聘妹養弟者弟妹不可曰奈何以身之故違父之養哉族聞之賜金五兩又河上邑同時上六孝子皆蒙獎賞

廷玉頊城瞽者嘗夜雨風甚其母病欲魚之市買魚魚肆憫焉曰廷玉未苞而与之歸家見之無魚廷玉意其處遺之行求之硬得後其母欲食鯪之市無鯪歸持庖刀而行沒海親採有章拳文餘以白貼頊廷玉以庖刀斫其足又得大鯪出里人以為孝感之所致出錢貴買走告吏庄內族与之粟使養母

細川忠興襲父為田邊族夫人明智氏名玉日向守光秀女也光秀弑尾君召忠興曰此以我為塔乎立逐夫入出之秀吉誅光秀使忠興復夫人然夫入以是不悅秀吉之義秀吉設猿舞觀諸將妻子知



人稱病不出私傳姆曰我婦人也縱不能死仇忍見其面乎後志興從伐會津石田三成作亂叔諸侯妻子夫人使人對使者曰婦人之義唯夫是聽妾不知忠興如何不敢出使者三及藝侯曰莫使人効此遣兵圍其家衆欲闕夫人止之曰我不知可否我死事已自陷罔而死

橫城侯有馬豐氏夫人者神祖名松平康忠女嫁爲豐氏從伐會津夫人居段家亟見三成作亂恐爲擒避夫人曰子之欲遣我非橫城則三田也非鳥魚遊而至也爲追騎所獲二宗之辱莫大焉若召我

者辭以無侯之言不可則死使人齎書遺豐氏勉以忠義之言豐氏得書進上不敢先發迨後益封豐氏世稱爲賞夫人

甲君初以油川氏所生女阿松許尾爲世子婦未適謂尾好及覆絕之婚一年甲君卒嗣子無道國日蹙阿松次兄曰仁科信盛居高遠名阿松欲嫁之斯髮誓曰妾前受人之聘雖未醮忍背之哉且妾之所以不死者爲無祭者乎天正十年尾世子率兵屠高遠阿松以春日氏所生妹与兄弟之女三人奔武州匿安下山紡績爲食北條氏將爭欲聘之阿松志曰雖

亡國之餘不復許此輩絕不之應聞其守節無侵之  
者參公遷江戶令吏致衣糧起茅于平川居焉納其  
妹生信吉二姪嫁內藤忠興宮原義久阿松之節天  
下無不聞元和二年卒太宗晚年置田奉其祭祀  
水戶有士曰皆川藤古生二女與一男子而死後  
為仇告事耶蘓擊三子于獄滅其家一婢抱女入獄  
詔吏曰主母臨死執妾手曰此女汝子養之言猶在  
耳廢之不如死且也三子得妾活不得妾死願妾事  
三子于獄中不止三子得全妾亦不死居獄二十餘  
年未嘗失礼于孤子義公多其節出以嫁富父

長崎氏友田氏妻生一女嫁之夫無子有二姪育之  
不異所生迨長夫怒其飲酒擲蒲逐之迄止不可以  
為夫家無種為買妾已別築室居焉一年生男妻曰  
妾少恐怠懈取育之已室迨有三子語夫曰我於世  
無願妾率三子事之如父母云又有負婦夫亡命獨  
養舅姑田數畝瘠确在山谷之間作香是之食雖嚴  
不使舅姑炊洗食器而後行其父来自天草欲嫁之  
婦曰娶妻為養親也妾不能助夫為義又不能養其  
親孰与同居長崎令大岡清雄表聞賜米十石銀十  
錠

福岡貞婦遠賀木守氏源六妻也元銀十六年夫死  
二子幼父母兄弟咸未欲招贅養幼兒保田宅不聽  
其父曰婦女子不能全田宅使二兒失所不知為耕  
種汝仍不聽翁之言婦乃泣從迨後夫將至縊死吏  
驗之無宅事侯賜米十俵賑其家令里中為耕其田  
以待二子長著婦貞節

貨殖傳第五十一

卷七十六

食之於民莫急于此而無衣裳之防寒室之掩風雨  
人亦不為人也三者具而後可謂之完矣而觀金之  
在乎耕之織之營之也既欲具之非織不耕非絲与  
麻不織非材不興此皆求之其鄉而不可得在乎有  
高通之有工規之也高通其物工致其力無貨利之  
用何行焉論者或空言非之欲復之上古之朴一切  
之議不可通治道者也夫已有貨多者為富少者為  
貧也殖之有術守之有法用之有量行之有方趨之  
有路去之有時竭心力智巧之所暨裁其從我所欲

為也形也無象大要歸于善處人之所求耳是以商  
見求鄉者有見未里者有見求國者信以守之仁以散  
之義以取之禮以分之食重鼎身奇繪踞華麗重飾  
之堂榮其親屬贍其知友豈非賢者哉

嵯峨角倉宗桂以財雄天下其家足利氏時以醫著  
天文中宗桂族子策彥二遊明治帝之疾策彥子曰  
光由字了以渡和計川如作州見以為百川可通慶  
長十年因近臣言通大井川京師上許石之大者以  
機驅之根着者鑄鍤推長廣可三尺舂碎去之出水  
者燒而泐之廣而淺阨而濬之如瀑鑿壑而平之作之

數月成上奇之使通富士川天龍鴨河莫不如意溪  
谷之民以為非魚走水以是其家復富子玄之孫玄  
德並善治水產不及了以之時了以弟宗恂字藤甫  
精陰陽之說初以醫仕秀次後南蠻獻赤玉成枝幹  
者及石薄方尺群臣無知者宗恂曰是珊瑚也是拍  
技瑪瑙也細言蠻人種採之法一座大駭宗恂雖博  
物亦以生富家也著書有數種角倉氏始印字成書  
於是經史多出于世其存者今人謂之嵯峨本  
河村義通貧傭作江都粥衣被飲食之具為資將如  
京師至小田原有老人与之語笑曰子之亦窮也宜哉

求富莫若江都。天下之貨聚焉。且視子之面。非  
久貧者。子勉之。義通再拜曰。謹承教。歸至品川。休楓  
樹之下。思之。無可復為者。偶有舟壞。所載菜蔬瓜茄  
掩水而下。拾得積。隄上往粥之。工官因供工官之役。  
少有贏餘。乃大言曰。我有千金。起室屋。通衢明曆。三  
年江都火所作。便焚。義通大窮。視橐中。僅有十餘金。  
馳得之。木曾以錢筋貫金。与之。主人之子。一鄉傳大  
恭敬。唯其言之。從。木曾買良村居三日。求材者大  
至。從義通買之。義通此時空囊。得數千萬金。又有巧  
思。為人画策。得其饋遺。有所興作。精思從事。役首功。

倍出。以杖拄。蔽菲錄之。絮牆土。其愛棄物如之。憲宗  
時。命義通治澱水。二旬而畢。聞新河防。阪北之害。上  
善之名。新河為安治川。世謂之廿日水。積其土河口。  
謂之瑞軒山。瑞軒義通所居也。子孫事工官。列于士  
人。然其家竟衰。

織田信長圍長島。遣人桑名假糧山田了純。指困与  
之。有十七万石了純。無怯之色。而軍不盡用。後有  
桑名者。有事則就乞假。以江都俗。濶畧。輕產。慮視而  
未次。政直堺人。也以曉外國之事。預互市之議。許以  
私船。之外国。贏臣万堺中。豪爭効之。無出其古者。後

為代官列于士人子茂房寬文中坐其家奴持國之  
畜籍兵器諸忌禁之物賣与外夷籍没其家珠玉珍  
宝其直當天下之半

紀文以粥材起榷柵豫章入文之家而後得行憲宗  
好興作大率咸用文之材作寬永寺至一日取司農  
金五十万然不為積貯用之如泥沙不恪其役使豪  
傑雖國君不如少忤之立使得死海運不利取之匠  
作納于修理取之修理納于匠作移徙若寄盖以此  
富亦以此衰老居潑川東不免饑寒死文之子煥字  
章彥以儒名京師

阪巽氏之先長良涉人者名久左極謹良不貪偶有  
遺金在舟久求其主不得日之上者問之州名神必  
祭以不得還金為憂三年有告其主者久負金往与  
之其主長者也尽与之又久不受唯請祭神謝巫之  
用皆有記其主愛之使鬻炭不收其息又亦賤粥以  
故大售數年至巨万傳子無孫養木津氏子号為久  
左又無子以岸曲富入唐金氏子為後為幼故名木  
津氏之弟吉兵使視家事吉兵賂阪尹稻垣種信求  
代之有長老異己者求罪作逐長老詣江都剽之削  
種信邑免其官屬吏受賂者尽誅之吉所屬事僧知

岩行貨有記見罪者甚多徙吉于三宅後赦還居大津猶以貨故也

元祿中有請為飛錢者其法受金于阪九十日致之江都如此月三所受金常在其家而大買錦綺綾緞賣諸江都以其直致官吏氏無持金之遠者而飛錢家亨利尤多上將許之會其入死松坂人三井七郎家累巨万其肆長八郎繼請之大得其利乃移居京師賣絲絹于江阪其利又倍飛錢粥之不豫價自三井始八郎子六人皆仰衣食于其肆至子孫推長者兄七平之尤有家法紀法有徙居于諸侯者不削其籍

而括其貨如三井皆苦之

佐野飯野氏善耕可田四五万家僮四出為商不閑其所賣買任其視時轉移寬永初造大船往買米加州吏問殘許答曰唯所与之吏給六万石責其金其人便納如其價加錢曰此其富足敵一州有事當保其力減價与之從此阪界富人爭効之運與羽加越之糧諸侯賴其利飯野家僮不相識面佐野貧者常食其家云

神祖所愛狎茶屋後藤等出入言市井事使買物市竟以納上衣版為業方德祖愛駿族母子觀其所賜

歸求之春姬泣不知所為後藤乃因姬進舞者  
之衣百稱又常供所求不求賞既世子立是為大宗  
命後藤專進尚署所供是以大富亦善兼并之術貸  
錢賭其宅少其息緩其期不之責又之不能奉契而  
納其宅

鴻池山中氏其先雲州人山中幸盛後也以釀酒雄  
天下兄弟十八人分貸異居一家有急其餘歛錢助  
之勿損其家世守其約不改自阪以西諸侯多皆  
仰給山中氏將奉事必先与之謀權侂封君有若負  
其貸者阪以西豪為之不出貸是以息錢日孳鴻池

之分三井之合於其貸世謂同其術也

德宗時上総高間氏那須渡邊氏以質糴致富積于  
海道高間點蹄著下戶不能食大誇暴其家所有書  
記咸燒之然其產不以是衰後二人貸金姬路侯不  
見還家產凋耗無知之者然姬路侯不以是富益貧  
借貸破產者相繼殊可恠也凡售多者莫若布帛其  
次穀其次酒醬材木之利也積久而後可得也  
凡万貸之行聚也有時散也有時有若天道也俯則  
拾仰則取一錢之出必也熟計而後用之如此或有  
趨貧日損千金不墜其業者天下多其聚則貴玉為



為之側席散則賤匹夫羞与之爭萬家之都有長夜  
之娛十室之邑無百頃之富蓋以所殖寡而無所歸  
也多歸則多積少歸則少積無不有豪勢必不得平  
也多之極日輦天下之賄而不止少則專一鄉之藏  
者必散不散不可聚巧者散之有餘拙者聚之不  
足鬻食之家或不饜糟糠負擔之夫或光采宗族以  
此故也

閩東貴趨時是以多暴富無賴少年雖賤業其屋可  
連棟也閩西多世業其善在固守治勢之間尤鐵畜  
不迂唯販去洛十餘里其俗錯雜而海陸之所縮藪

獨有閩以東之風猶稱豐臣氏之奢侈焉及以南之  
豪大概造舟通天下之衣食之多之地民寡之財  
乏與羽之田當天下之半而財不足俗俚而難化越  
後似羽有宗漆熾之饒日夜歌呼而飲其貧者望之  
不似人越後西為加能越負海抱山勢如金甌財用  
交子多賈人貴儉約也以販玩藥物出粥千里之外  
三越與羽近極而寒冬月常居雪中行旅苦之時有  
凍死者富士之南為駿豆地暄貧者或不絮駿有十  
一港富國也西伊以西山陽地狹民多論財不顧骨  
肉山陰貧而亦苦寒長崎以蠻物致富對馬以韓貨

入參木綿極美豪華多詐偽薩出漆燭硫黃丹礬之  
屬多琉球之物其俗善鬪不畏死南海矜誇無信採  
海物为生凡物之美者洛織染劓俎伎藝百工音声  
南都墨紵尾濃之稻飛上信之材佐渡黃金秋田銅  
山陰之黑白山形臘脂和江駿之茶紀肥之摘南越  
濃長之陟厘上加之絹會津之燭出于漆有漆則  
必有燭肥備陶器松前昆布奧北之駒鳥羽撮之酒  
醬木綿其餘牛馬舟車魚塩毒藥無財役民無械而  
織無田而耕一鼓提巨億者往屬郡國曰俗作則  
唯黃金官專其利在諸侯之地者僅与三之一耳作

業工者美衣食而富不如農之富而不能大者必  
有為也不如商之坐運籌策專其利而婚姻食饗興  
作非有商典之不行也其富有以也夫

夫天下以財爲用財之於民猶水之於魚也財竭則民散民散則國亡此理之必然者也  
夫財之於民猶水之於魚也財竭則民散民散則國亡此理之必然者也  
夫財之於民猶水之於魚也財竭則民散民散則國亡此理之必然者也  
夫財之於民猶水之於魚也財竭則民散民散則國亡此理之必然者也  
夫財之於民猶水之於魚也財竭則民散民散則國亡此理之必然者也

天竺水師... 爲多... 海... 山... 漢... 大... 卷七十七

浮屠傳第五十二 卷七十七

愚底洛人也字勢譽親忠時居參西光寺謂親忠曰  
北條足利二氏不知捨亂反正之道資擾亂衆瘡痍  
為政天下以故不有一日安也願公救此民于流離  
饑寒之中使存焉而積念佛之功區焉而受淨土之  
樂則浮屠多生一殺之巧聖王治亂誅暴之兵也親  
忠曰善兼教明應二年大破上野兵于伊田河水為  
之赤風雨至每有戰鬪之聲建寺其地居愚底々々  
至則其声乃止愚底名寺曰大樹院為松安公子孫  
必有庇此名者後有天室者居大樹寺

天室小田原人也字登譽自言力過六十人聞駿君  
義元伐尾死哭曰參公不活少頃笑曰參公歸明日  
參公至大樹寺從者十八人將自殺天室曰寺中有  
五十餘人驅農賈可得五百人戰不捷而死未遲駿  
十二城尾所憚公已今日休士明日攻大高攻大高  
不獲公求公所在聞公在焉率兵東嚮雖疾馳不半  
日不至是於修戰具有餘參公曰無險可據若何天  
室曰無險能攻乎作旗幟設疑兵布士衆如宿將之  
為也參公曰師先我死無道我者天室書旗以厭離  
穢土傾求淨土字問曰公何用戰為答曰小則啓疆

大則有天下何為欲有天下曰先揚先祖傳業子孫  
天室乃曰如此亦賊已幸得天下猶飄風不崇朝也  
逮身不能保安施其慶于後哉夫君師之設非驅生  
民而供其欲也為禁其爭蘊其息也是以善為國者  
不為兵首教而不從而後刑之禮而不耒而後伐之  
是謂以殺止殺矣願播唐虞之化願布淨土之樂是  
謂菩提心矣夫然故鬼神助之所向無敵且佛以信  
為教三軍之士知死必生樂土信生必受厚賞夫然  
故矢石不足恐溝池不足踰是八字之致也天室弟  
子祖同力敵八十人執公之書公令之開門祖同曰

敵未可伐公姑待公拔力斫関三而後関門尾兵不  
戰逃天室曰駿兵去何不早入據城參公曰得無太  
急于且若無糧何天室曰城不可虛有若據之者大  
車去矣百姓待公久矣君入不憂無糧參公曰善明  
日率衆入岡崎百姓傾畜積奉之如天室之言後親  
鸞徒起率千餘人伐之詰公曰公必有天下我老矣  
而不逮見也天下大器也不可往取敬事大國以俟  
天下未与也公莫以我故封我弟子而驕之勿加我  
號謚而矜之但願興我教納此民于樂土後江戸有  
存應者

存應武州由木人也字慈昌參公卜居江戸未至城  
見僧說法者寺曰增上名曰存應為名之美約為檀  
越慶長五年將誅三成過見存應々々曰佛以第十  
八願稱為願王適應公之姓公復安斯民應願王之  
願三成死天下尽歸參公是為神祖乃曰存應之言  
建十八寺祈國之福存應曰若然餘法必衰餘法衰  
我宗亦衰上已以表祭命淨宗願以餘法祈國之福  
普山因薦天海見之天海年八十餘狀貌甚穉食煨  
豆壯者不如存應大驚責普山曰師其悔之天海果  
大幸神祖迨移居駿府受天台所謂血脈者存應聞

之如駿府神祖不見之使吏語曰不速歸從海島  
存志曰貧道老矣不能疾趨遁刑率徒弟數百人如  
海上神祖自樓上望見思其前之言召之有志索天  
海所上之記焚之會阪之事起存志請問曰往必居  
婦人于軍中為之泣言阪主婦人親多城中人也必  
洩之其所親而後令本願寺請和々々則所欲于阪  
可得也存志得于上多此類也其徒倚勢犯法吏常  
容匿上特尊之罷大<sup>德寺</sup>國師<sup>以存志代之</sup>後有幡隨者稱為聖僧居  
下谷寬永中命如長崎化耶蘓徒教之念佛有祐天  
者自飯沼移主增上寺為衆所歸

清康時有禪僧摸外清康乃摸外曰我夢握是字何  
祥摸外賀曰夫是於文為日下人也日下人在君之  
手吉孰大焉三轉為象非君之身在君之孫也清康  
大悅約為壇越為大樹寺所阻而止建院居焉号曰  
龍海

崇傳南禪寺僧也字以心慶長十七年命与京兆尹  
主天下僧尼秀賴令僧清韓造鐘銘崇傳曰葉上釋  
迦葉中釋迦互為主伴言豐臣氏復有天下也国家  
安康言無上則国安也其言之々意不可勝說大逆  
無道神祖以為然令知政事正統雜治秀賴遂不能

自明而死是時前大納言日野禪資致仕居駿府与  
崇禎撰古礼儀式大購古書崇禎往未二都無定居  
出典贊謁入預謀議用車比權臣大宗立以其曾事  
駿疾惡之然不忍罪之崇禎知之以憂死

天海會津人也或曰大將軍義澄妾芦名氏義澄薨  
歸會津生天海云幼不食酒肉聰敏有異于人也天  
文中如叡山為僧博究百家之言歸則會芦名氏逃  
逃之江戸崎神祖用普山之言見大海共語大悅為  
權僧正狩川越為規地益喜多院轉為少僧正語天  
海曰吾聞葬鎌足于阿威一年遷多武吾死葬又能

一年遷日光使天海記之德祖至孝幸于神祖者無  
不用其言迨厭代崇禎与知政事正純薦吉田宗源  
典葬理之事天海曰非遺命傳曰唯一之法咸依豐  
国之儀豈曰非遺命海曰山王一實習合神道也特  
用唯一非遺命矣且亡国之事何足法也上不憚曰  
神祖固貴仏徒板倉重昌林永喜之京師賜以習合  
記是以光陵之議赴拜海為日光座主命如京師先  
驅將送之遷大僧正以上野族茅為寺居海為号曰  
寬永寺使親王守澄為弟子事海大宗益敬海使祈  
嗣海言壇上有帛書曰福德智慧之男其夜夢見神

祖抱鶴雛与海使侍祠者侍中中根正盛報上曰子  
速往与世子已生正盛途遇中使曰世子生於是上  
大駭謂左右曰我視師如視神祖寬永二十年海年  
百三十三死使侍中正綱葬之日光初大久保忠隣  
貶畏正純無敢言者海侍上極言其寃雖不用奉朝  
稱之神祖疾左右語以生平所好鷹犬駿馬猿舞等  
咸不忘海曰自古明王預知其終以後事為慮而為  
此等語神祖竟不起如海之言又見神祖常言嫡庶  
無分

宗彭出石人也十歲為淨宗之僧非其好色三年受

禪于宗鏡寺長游江洛之間備書為食濯衣裸待其  
晞其父好音每省之歌以適其意慶長中衆知其有  
德主大德寺秀賴召之不往好遊名寺所往乞食不  
煩主人或掘菜根食之或談之不出窠曰宗彭笑而  
不迎寬永初崇傳言大德妙心賜紫不請江都甘神  
祖之法上乃改之不受因宗彭上山赦歸出石是時  
柳生宗矩言上学劍者當靜心々々當問識者上問  
當世誰為識者曰以臣所識莫者宗彭上乃召宗彭  
居品川之上復二寺賜紫加宗彭國師宗彭曰二祖  
徹翁号不稱德貧道得以身之寵位及加二祖榮孰



大烏天子許之宗彭病語弟子曰古人多作偈示後  
如我杜口而去耳使人画圓已下點于其中曰欲觀  
我者見此画死使埋之中路上後至烏置一石于其  
上  
素心春姬兄之子也加賀卿小松守前田直知娶為  
妻直知死適會津卿町野幸和生女其女嫁岡善右  
生振姬久之以幸和死為尼有禪機与宗彭齊名上  
見之振姬之房築寺居烏号為濟松

了然武田晴信曾孫也父曰葛山内記德祖之納女  
為女御了然預選充少御女御為后崩了然歸居江

都為武田壽菴妻生二子了然雅有出家之志為壽  
庵買妾去見錢牛請為弟子了然雖有子容色猶盛  
錢牛見之曰是法魔也使弟子出之門了然即至白  
鷗々々又不受了然將歸過市中有銅斗盛火了然  
借見之覆火自焚其面一市大驚遂為白鷗弟子莫  
能及之者白鷗木庵弟子也

隆光河邊氏字榮春小泉人也以祈禳出入本庄氏  
家其家有女子是為桂夫人生憲宗使隆光祭星有  
驗命赤石侯造寺城北居隆光為大僧正願筑波徒  
兼僧錄目隆光承問言曰方今天下無事所畏四體

耳上生于丙戌年戌為犬令犬無折傷子損則上之  
體自然安上從是多忌諱下禽曰人之所以異于禽  
獸者以有慈仁之性也而其為生之物則一耳今食  
其肉藉其皮以為當然甚無謂也縱不能悉斷而妄  
折傷及殺吏於是以致格治之有仇誣告報其怨用  
刑深刻以冀止之一犬之禍或至數百人延燒及家  
則棄子抱犬病則藉衾飲藥有大医治之死則告有  
司左右即中官多素食媚于上蜈蚣蜥蜴之類籠出  
之野附之有人放之有所野獸傷木不得殺之天下  
為之騷然奉真言教者小池智積二僧正祈福圓福

金勝弥勒稱為七坊有勢無不畏之初上以明信主  
嫁記世子民間言隆光為紀世子蓋甲戾<sub>々</sub>以故  
又病以欲使紀世子得嗣明信主聞之不食而死甲  
戾病已為世子憲宗厭代世子立是為文宗隆光恐得  
罪去歸和州德宗時死  
西本願寺光壽字教如親鸞十二世孫也姓藤氏親  
鸞受淨土教于慈鎮以為與衆同欲而後可教衆通  
九條兼實女生子男女各一人自名其教曰真宗其  
弟子咸娶婦食肉男後居一身田今有其子孫女通  
侍從高藤生二男子居六條道場与法光寺烏光壽

父光佐字顯如戰姊川之年信長攻野田福島不拔  
欲移本願寺城其地光佐不可嘗兵拒信長戰五年  
糧竭藝人村上景廣與糴光佐破九鬼嘉隆于海口  
娶朝倉義景女為光壽婦與共攻信長天正八年信  
長已敗殺義景北地尽平天子乃詔信長光佐解兵  
光佐謂其下曰信長不可信也出城逢敵噬臍無及  
使光壽守大阪聞我至雜賀乃去光壽聞光佐至雜  
賀去兵如若山十年信長子信孝軍于岸曲号曰伐  
四州俄曰光佐前畱光壽于阪奉天子之命不遠行  
不可不行誅南襲雜賀會信長被弒引兵歸大阪於

是光佐益安文祿元年光佐死光壽立朝秀吉于名  
古屋光壽有二弟佐超字顯尊居興正寺光照字准  
如居本行寺咸異母準如母善事迄夫人陽稱光佐  
與準如書屬後事準如宜嗣秀吉信之令光壽致仕  
其下大譟曰光佐令光照居本行寺何得遺書為後  
此必有茲欲奉兵作亂光壽止之曰兄去弟居衆何  
患光壽有茶壺甚愛之於是獨抱茶壺行參公賢之  
屢召與語使信雄為秀吉言秀吉高其義善遇之慶  
長五年光壽光照將之江戶三成使人追止之光照  
乃還光壽固德參公社見參公、、悅曰師果賢也

典參以東寺車平立為門跡使其歸阪三成欲誅之  
秀信止之三成死其黨慧瓊匿于六條端坊者  
佐光照者下間賴兼塔也而夫妻誅死光照恐使  
獻遺于上棄諸門庭之間無敢通者上欲遂黜光照  
正信曰不可上獨不見其父居阪以織田氏之衆攻  
之不克今專屬諸光壽後世未必如光壽其勢難制  
也兄弟兩存之便臣光壽擅越不以私廢公上乃立  
光壽為東門跡與槍兵五十光壽辭邑曰貧道得此  
為過矣復望其它光壽子宣如善車春姬教朝通上  
之旨光照為西門跡並建寺江都使其徒其所欲

屬烏東西益結怨享保中嗣絕以姬路本德寺撰譽  
弟證譽為後證譽好騎馬使刀槍其下化之裸妓女  
泳水不為者殺之左右奴婢少忤乃死寬保三年二  
條氏曰我典本願寺不言罹咎言使致仕彼其與為  
惡者于海島是年兄撰譽與姬路侯會獵畧民婦女  
以罪見幽

史臣曰戰國之時天下無讀書者讀書者浮屠耳使  
我生其時亦將從之學且愚底天室之有益于參雖  
古名儒何以加焉彼預人家車與擁衆在疆其徒耻  
言之何足論哉何足論哉

卷七十八  
反者傳弟五十三  
酒井忠尚者氏忠弟也氏忠將死屬孤忠次治其衆  
既多取其邑是以叔姪不相善又譖酒井正親石川  
清兼竊權專國納言怒而殺之二子陽為不知待之  
如故忠尚愧不出稱病篤遂與松平清定入上野以  
叛納言攻清定降之釋忠尚守上野天文十七年參  
駿破尾子小豆阪忠尚不出聞尾破乃來國人始大  
惡之永祿三年從攻九根遂從駿君入桶狹駿君死  
忠尚逃歸因是尾益強求平于參忠尚子質于駿恐  
殺其子止之曰立大國之間者而不絕其交夫入世

反者傳弟五十三

卷七十八

酒井忠尚者氏忠弟也氏忠將死屬孤忠次治其衆  
既多取其邑是以叔姪不相善又譖酒井正親石川  
清兼竊權專國納言怒而殺之二子陽為不知待之  
如故忠尚愧不出稱病篤遂與松平清定入上野以  
叛納言攻清定降之釋忠尚守上野天文十七年參  
駿破尾子小豆阪忠尚不出聞尾破乃來國人始大  
惡之永祿三年從攻九根遂從駿君入桶狹駿君死  
忠尚逃歸因是尾益強求平于參忠尚子質于駿恐  
殺其子止之曰立大國之間者而不絕其交夫入世

子在駿願公勿如尾如尾天下不信參贊子參公曰  
謀國者不謀妻子願為國改圖忠尚變色曰臣實  
為國豈為私計因謝趨出烏居元忠等請殺之公止  
之曰彼其言善必不及忠尚亦稱病不出親為徒起  
忠尚發兵志之戰不克降一年謀殺集兵忠次廣孝  
伐之衆潰奔駿也所而也大賀弥四奴也捷給善吏事稍近代官典化地二十  
由鄉所言無不聞權勢比列將以詐偽得入之心相  
結擁蔽耳目有得賞者則曰我為之請矣罰則曰因  
我免死是以雖士人多歸之是時參方有甲之憂恒

常居濱松岡崎兵二百餘母子信康居守弥自以為  
罪多恐及誅与小谷甚左倉地平左山田重英謀賣  
國于甲曰不得近藤壹岐不成語壹岐曰予白公与  
子田也子知之予壹岐唯剛直愧為弥薦還其田公  
使吏詰弥曰事急不可不祭甲攻其外我從中起  
誰能拒我諸將從公者聞妻子為虜太公未此公失  
諸將疾走帰尾要擊之必克天正三年四月甲兵至  
參重英於是悔為弥所誘見世子悉告弥誅母子乃  
使左右適重英家聞与弥語世子信之縛弥送濱松  
遣使者斬倉地小谷泅逆初弥妻諫弥罵曰使汝為

參夫人猶何言妻泣曰是豈為人臣者之為乎於是  
子女同磔于岡崎埋殮出其首割竹置其側使觀者  
加諸其頸三日死參公乃起兵破甲于長篠甲從是  
衰

伯孝守石川教正者日向守家成兄子也初与大夫  
保忠俊謀納贈納言後從參公居駿宮崎既參公歸  
尾因教正求平于參教正高力清長會尾將林通勝  
瀧川一益于鳴海正二州之疆約束已定從公適清  
洲教正以為參與尾平駿輕辱夫人世子無參人死  
之參之耻也獨亡之駿是年參破西郡虜鶴殿氏長

氏長駿君太愛之教正乃說駿君歸夫人妻子于參  
求氏長駿君從之是時參駿甲尾咸稱教正之義親  
鸞徒起教戰折其銳賊平賜食吉良參公滅駿封家  
成于掛川使教正代家成將州西之衆姊川之戰參  
兵少退教正破敵河中敵竟大敗御方原之敗教正  
還擊敗敵是以不敢逼甲君入遠州參公兵四千  
陣于小天龍西當其鋒教正等將三千在其南欲待  
其合伐之甲君乃退甲君圍長篠使求救于尾与尾  
君至大敗甲于長篠南從攻小山從取禾于田中擊  
破持舟之兵甲兵至二山教正康高諫曰甲雖老猶

足遺毒于人背數城當強甲為公危之參公曰善以  
數正為殿却軍明年又刈田中之麥擊破持舟兵攻  
藤枝功多拔高天神斬首四十級從定駿甲從如安  
土尾君親執食餉數正及酒井忠次遂從如大坂會  
尾君被絀而反遂從入甲相君從參兵十餘里數正  
整兵當之相君不能進請平而去迨秀吉破柴田勝  
家使數正賀以馬成瀨藤八為輔行歸言數正代以  
己馬獻之數正聞之見公本多正信曰藤八使使人  
捕殺之數正知其言之不信而悅秀吉厚待己久之  
為尾攻星崎秀吉餉諸將以利皆封而見之數正獨

無秀吉如長湫本多忠勝欲攻其壁數正止之公以  
是疑數正又使之秀吉還為岡崎留守請問曰秀吉  
之地半于天下請平于公之威已伸矣夫參者北  
有越東有相莫不受敵請早許之平公疾揚秀吉之  
美不聽使以秀康如阪因留子康勝侍之數正益不  
平又聞秀吉欲殺參質子恐害康勝明年奪室出奔  
欲如高野秀吉雷之許以十萬石至則不与之或書  
門嘲之益不得志杜門不出天正十八年秀吉伐小  
田原以數正見參公小田原平封松本十二萬石改  
出雲守死子康長嗣少子康勝前侍秀康者分食二



万石三成將作難使數正弟稀部頭賴明焚館峰谷  
親周見其踰牆捕送之獄後三成出為將三成敗降  
脇阪安治求免死不得自殺死康長從世子破伊勢  
山攻冠者嶺不克世子引兵西留康長松本後以女  
嫁大久保長安子雲十郎因与長安錢通作文事覺  
徙豐後国除康勝坐兄失侯入没死

小笠原長忠小笠原長清後世事駿居高天神事嬖臣三浦義

鎮莫所不至駿亡義鎮走歸高天神長忠數其罪殺  
之參公令其族康元召之長忠是時將獻質子于甲  
軍達康元与俱往固崎使之守曾我山從軍數有功

天正二年甲君攻高天神參尾會兵救之未至甲君  
貽長忠鸚鵡栖方貫之地降之而徙之鸚鵡栖不与  
地甲已奔相亡捕戮之

大久保長安甲人也本姓大藏世業猿舞勝賴時亡  
之參知大久保忠隣好猿舞出入其家奴事之衆間  
言伐甲之說偶用其策破甲忠隣愛之薦諸參公  
、未見之知日下部宗好宗見長安造浴室奇其材  
召使奏伎因稍親幸迨遷江戶公從容謂左右曰因  
君常憂匱財地廣用随多取諸民則民苦竟無豐贍  
之日長安越次對曰有術于此不取于民不奪于人

君臣日用之不竭可乎公驚曰何曰臣觀天下可採  
于山者閔以東尤豐利金銀銅錢之屬無地不出焉  
有司主計者以為採之不必于獲不贖其費雖採  
中廢作事如此未見其利臣願得為使從事假歲月  
責之成府庫之財不可勝用公何愛一時之勞不與  
万世之利公乃登為士人集礦徒屬之長安從是內  
而有積倉外而有餼糧以戰則捷以居則威叱名古  
屋城伏見往來千里之外財不窮終破三成于關原  
上以為能使其蒙大久保氏拜為石見守封瀧山三  
万石居理官之列從知政事正純造東大寺及從京

兆尹城京師布驛亭于天下於是佐石豆出金歲數  
千万其它有金銀銅錢之處咸領之用事曰尊貴長  
安本出雜類不知忠厚謙損之道視三州如采邑恃  
寵陵折入縱屬吏為茲致賂累巨万家多金銀器又  
歲二如佐渡以道于越使採越之事歸報小事使專  
決之越相花井遠江使長安子長次仕于越妻以少  
女因緣為妾歟越侯始委國于二子甚尊重賈人  
恃賂輕辱士人有片柳童景者訥不克大罵長安長  
安謂侯曰臣者奉使命者也罵使者當誅侯心知童  
景寃不聽長安宣言侯輕上奉使大臣不敬以聞得

得罪族乃与左右謀誅長安遠江諫之乃止又偽為  
族之書謝長安悅之慶長十四年為使正越後美濃  
之田十八年病中風上使医賜藥不起先令造金棺  
歸葬于甲分財婢妾長安子藤十郎与家長曰先君  
典天下之財不上計不若上計而後相与也姬乃使  
人上書言之上曰藤十郎父死背其命不孝下吏治  
之邪謀尽露故甲君孫顯了居甲長延寺受親鸞氏  
之教長安与之謀反造譜牒旌旗帷幕与之如全申  
時伯耆族尚主而死大夫寄藤半右川毛備後中村  
伊豆与主傳鶉殿氏長謀名佗人子請嗣族上悟其

偽使吏滅其国封府庫歸之長安受私之松本  
族多墾田長安掩匿不以聞於是子七人坐大逆誅  
顯了父子徙海島氏長及前奉使者弓削多正吉父  
貝正俊除名伯耆三大夫繫獄其餘坐誅者甚多知  
政事忠隣從是失上之意

越前守岡貞綱故備前族卿也父豊前与長船越中  
助浮田直家取美倫二州直家者秀家父也越中將  
死知子紀伊不肖謂秀家曰願勿使臣之子預政臣  
之子不肖秀家曰諾秀吉之伐毛利氏貞綱諫秀家  
背毛利氏初赤松氏有備絕無後岡阪崎戶川花房

雅直家為主四臣是以專政食膏腴之地以公之衆  
治道路橋梁國貧家富記伊言正四邑之界而役衆  
四臣怨之秀家以記伊為能委之政石田三成知記  
伊事備政能移君之意厚詰謀為亂許有備美記伊  
漸樹其黨拔中村刑部于小吏掌內事比周窺知君  
之所欲為也誣四臣罪欲誅之會病死刑部乃欲自  
為記伊所為譖四臣鳩記伊四臣相與謀曰不殺刑  
部國不治刑部聞之凶以激秀家々々怒欲誅四臣  
々々以兵自守秀家不能制告諸神祖々々囚淳田  
貞成戸川達安于前田玄以囚貞綱及花房正成于

增田長盛以安淳田氏貞成者秀家從昆弟也慶長  
五年四臣從伐會津之軍神祖意四臣通謀秀家將  
執之既從戰関原神祖破秀家等封貞成于津和野  
三万石貞綱邑万石而二子後皆反誅貞成為人不  
仁也嘗又留藝侯使者々々恐誅君必救之貞成乃  
与使者詣藝侯果怒將斬之貞成竟為不言使者窘  
自言其狀藝侯釋使者謝絕貞成又殺從子左門許  
守和侯宮崎侯匿舍込人使失封皆誅之夫也十七  
年逐奉耶蘓者捕原主水斷指燒額使佩榜曰養之  
者有刑貞綱仇詣吏言貞綱子平内匿主水驗之平内

實匿主水上乃放平內于遠乙卯貞綱妻之父明石  
全登勸貞綱反未幾事露七月賜貞綱死斬平內是  
時傳姆欲奉主亡沒夫人挾之為質大起親持其袂  
傳姆乃佯驚左右走且哭且呼夫人以為秀賴死棄  
主往視傳姆乃負主出走神祖之陣堀內氏虎負以  
授負成々々冒大免主神祖喜曰不意見汝々者負  
成之妻也益負成邑為二万石主過桑名見本多忠  
刻悅之大望曰嫁与負成不若棄諸段竟不肖嫁神  
祖屢讓之後德祖許嫁忠刻負成謀奪主殺之上聞  
召之使者前後十餘輩不出登兵圍之恐其下反之

飲酒于庫家丞遠藤某延圍兵入斬其首罷兵誅遠  
藤

由比正雪駿染布者子也好讀書至秀吉起自布衣  
定天下心以為可成矣江都人插不傳者仇正雪師  
正雪不知事之甚謹迨不傳殺師已正雪大駭以為  
棄師之仇不義也然非不傳天下無師事之者發它  
死衣以己衣剝面屠腸如自殺者追不傳如江都不  
傳亦愛其才益与其譜牒及兵書死因竟自言楠廷  
尉後又受占候法卜晴雨吉凶必驗為大言好眩人  
大宗厭代嚴宗冲幼在位流言起人心不安正雪以

為已智足動天下語弟子曰予夢見廷尉教使鑿某  
地弟子信之如言得石函于右松樹下其中有楠家  
帷幕旌旗弟子傳相語為神竟与九橋成訛吉田初  
右僧廓然等數十人謀反熊谷三郎加藤市右如京  
師挾天子徵兵西州今井半兵燒阪遂阪守已与佐  
原十兵如駿因又野之糧而取府城成訛塞玉川燒  
江都大菜司尾原十郎燔硝庫弔乱相失燈画葵葉  
偽為記族造朝又稱先驅將初鹿傳右操上之楓山  
南走品川櫻井右衛福島傳四以正雪造紙銃伐追  
騎使敢死士遮刺列族列將入衛于宮者成訛劫上

過函関還歸与道灌山賊夾擊不從者正雪挾上令  
天下雖不濟不失割據之業也部署已定正雪稱紀  
使出関初不傳訛二子于奥村八郎〃〃兄曰擁兵  
事知政事信綱八郎因与共謀反既悔告其兄擁兵  
成訛借金田代又左〃〃責之成訛曰待之十餘日  
不憂不富貴何止十倍之利又造刀槍弓矢不給直  
語弓工如語又左其徒亦漸悔語泄二人詣江都令  
告變江都令部吏捕獲磔三十人斬四十人駒井右  
京如駿捕正雪伴捕込人〃〃有創駿府令〃逆旅  
注客名狀宮衛將与三春族圍正雪必見其有創不

正雪知事露大息曰成純禍人燒陰謀書出見吏曰  
紀侯使者不可受辱道路願詣府更衣為病呼輿夫  
作書遺使者與其徒十餘人自殺死正雪書稱大老  
忠勝為民之患臣欲與兵誅之事成歸死司寇非敢  
畜富貴於是世傳正雪死後尚猶欺人其黨熊谷今  
井自殺吉田加藤就擒賜與村兄弟田代又左弓工  
邑有差反者尽誅大老忠勝見紀侯曰反者稱為紀  
使者而持紀侯筆書吏驥之信臣以為侯欲為非豈  
因一男子哉是必左右郎中竊印紀侯未忘郎中進  
自殺以告事解其明年有戶次庄左事

莊初事大野侯直良嚴宗初去如江都有石橋源右  
者以善兵法事福山侯註平氏錄其說奇譎莊師事  
之問亂天下之術三問三不応其終不得已乃曰不  
若放火疑諸侯莊悅告欲用其術源大驚止之兼応  
元年列侯獻銀祭淺妃是時天久不雨風大起庄謀  
燒廟取其銀伏兵射殺大臣救大者以觀天下之變  
其黨長崎刑部告諸知政事信綱江都令部吏往捕  
尽獲源不版曰臣止反者非反者吏將釋之知政事  
忠秋曰止之不告以觀成敗其心不可不誅与莊等  
十一人同祭于品川之南

史臣曰蠹蝨水生之而木為之蝕邪臣國養之而國為之殘是故臣之職其志在乎常報其君而後國重其義身令其終德川氏之御天下有德必酬無德不較叛而伐之版而容之寬亦至矣反覆于雖不閑成敗足觀其所以待之作反者傳

外國傳第五十四上

卷七十九

舊史曰古之遣使于唐者為禮為樂中世絕元明者為生事也文武不可偏廢而待外國其重在武焉傳曰勇夫重閉况國乎有國有家者豈可忽諸自元之末海濱有日本之寇至明東南為之騷然而於我不知其誰為或云菊池氏也菊池氏不過一州之主而無虛國任代之理雖象數百千耳蓋彼有內主張皇焉閩浙守移書責日本無能禁也明因是不納我使而獨納大內氏之符元龜中大村統忠開長崎召外人是時大友氏疆威行九州永祿五年明人始至



貴儉約、上下相安、錦繡羅綺、服御之飾、絕無所覩、見至蕃舶之來、奇伎異巧、瑰材珍玉、盡天地之間、莫所不備、蕩心志、眩耳目、偽詐文作、風俗為之大變、日本之地、東西八百里而遙、南北二百里而近、雖不若宋元之廣、遠過殷周之疆、雞狗相聞、無原大澤、無人之地、宋之戶口、稱為過于前、而日本居三之二、地肥饒、無四邊之擾、其治自載籍之所記、未曾有其固、其安如我日本也、是以先王無事則征伐、勞則止、驅東夷出之海之外、三韓任那、羈之屬、受冠帶、修貢職、無敢与作難、蒙古之以兵起、意着水土之民、可得

而臣也、遂攻日本、兵統接于前、而全軍已覆其後、將師未及謀、士卒示及集、咸伸万里之外、地勢使然也、無接強撫弱之勞、無四邊警報之虞、無瘴氣猛獸毒剗之慘、且穀豐富、細民不死饑寒、教以德義、聖王之治、不難致矣、

史臣曰、清少保張延玉修明史、今粗奪梗概耳、清未有史、其詳不可得而知也、

明太祖高皇帝姓朱、諱元龍、濠人也、元之末、江淮之間、盜賊大起、至正十三年、定遠郭子興據濠、將死、使太祖統其衆、太祖乃令軍中、勿妄殺、渡江取太平、集

慶江州、南昌，号為吳國公。其將徐達常遇春善戰，李善長劉基善謀，所向莫不捷。為吳國公十年，稱王三年，稱元一年，遂元帝出之塞，即皇帝位于南京，改元曰洪武。我延平二十三年，南北交爭之時也。於是明人稱曰：取天下之正，莫若漢高。与我明，咸起自布衣，而我明掃膻腥之臭，歸冠帶之俗，其功有尚也。帝曰：今之天下，即元之天下也。元豈不足於地哉？丞相將軍其勉輯民，勿事遠夷。又曰：元雖夷狄，至中國百年，朕之先亦為元之民。敬順帝之孫，械于獄者，封為侯。洪武四年，南朝親王征西將軍良懷稱日本國王，通

使于明。後三年，靖海侯吳禎破倭于海上。十三年，丞相胡惟庸謀反，請兵日本，詔誅惟庸，絕日本罷丞相官。帝老多忌諱，又殺將軍藍玉。功臣坐胡藍敗退者，朝廷為之虛。太祖二十一年崩，長孫炆文立，改元建文。我應永六年也。寵臣黃澄齋子泰，憂帝之弱，以譏削諸侯王之地。帝叔又熒王棟起兵南下，明廷臣無敢距所至盡潰。帝乃微服逃去，棟求之不得，即位。改元永樂，詔以燕為北京，深望炆文之危已，削去帝號，稱為草莽。年，直臣方孝孺死之。我應永九年也。後七年，遷都北京。二十二年崩，謚成祖。文皇帝太子高熾

立、改元洪熙、楊士奇、楊榮、金幼孜、黃淮、蹇義為政、咸  
賢、言帝除誹謗、令天下大治、居一年崩、謚仁宗、昭皇  
帝、太子瞻基立、改元宣德、我應永三十二年也、帝尊  
重先帝大臣、參用夏原吉、原吉為人不忍、每聞獄牒、  
持筆不能書、謂妻曰、此人死生決于我手、帝在位十  
年崩、謚宣宗、昭皇帝、群臣以太子幼、欲求長君、楊士  
奇、與榮見太子、呼方歲、於是太子祁鎮立、改元正統、  
我永亨九年也、帝立、官者王振專權、挾帝拒北虜、先  
是帝夢北虜相率拜車下、以吉祥、群臣諫之不可、  
進至土木谷、逢虜大敗、擁帝北去、兵部左侍郎于謙

立、帝弟初王祁鈺、改元景泰、我寶德三年也、族王振  
家、問拒虜之策、徐瑄曰、臣觀天象、南遷可安、陛下願  
速斷勿疑、謙曰、理可斬也、彼獨不見晉宋之若虜耶、  
徵兵入援、虜數來不得志、求賂不予、奉上皇歸于明、  
虜初見上皇不降色、畏之如神、重其守節、益重明、上  
皇歸、遂榮請帝避位、帝怒、下榮于獄、置上皇于南宮、  
以外不得相通、居七年、徐瑄石亨、選上皇即位、亨者從  
帝陷虜者也、勸帝誅于謙、天順元年二月、初王崩、  
帝以有安明之功、不忍追廢、謚曰景皇帝、復祚八  
年崩、謚曰英宗、睿皇帝、太子見深立、元號成化、我寬

正六年也、帝立二十三年崩、謚曰憲宗純皇帝、憲宗  
縱內臣、政大亂、太子名曰祐楹、立改元弘治、我長亨  
二年也、帝賢用李東陽、謝遷等、明復興在位十八年  
崩、謚孝宗敬皇帝、太子尊熒、立改元正德、我永正三  
年也、失德多、國幾危、十六年崩、謚武宗穆皇帝、無  
子、從昆弟尊熒、立、元曰嘉靖、是時虜益強、日本擾其  
東、無有寧歲、以帝之賢、根本不動、四十五年崩、謚曰  
肅、廟曰世宗、太子載堉、立、元曰隆慶、我永祿九年也、  
六年崩、謚曰莊、廟曰穆宗、太子翊鈞、立、元號万曆、我  
元龜三年也、万曆二十年、伐寧夏、平之、秀吉攻朝鮮、

明遣劉綎救之、戰六年不解、事在朝鮮中四十七年  
大將揚鎬以朝鮮兵伐虜、出塞大敗、明年帝崩、謚神  
宗顯皇帝、太子常洛即位、元曰泰昌、立一月崩、謚光  
宗貞皇帝、初光宗為太子時、有男子張差入東宮、以  
梃擊作門者、光宗病、肢紅丸崩、是時太子由校、立、改  
元天啟、御史楊漣論、選侍李氏欲垂簾聽政、而移仁  
壽宮、之謂三案、明黨大起相傾、誅楊漣、左光斗等、官  
者魏忠賢專權、大學諸生為忠賢立祠祭之、如祭先  
師、光宗賢、天下引領望明復興、立一年崩、明之事  
無復可為者、帝立七年崩、謚熹宗愍皇帝、無子、遺詔

立弟信王由檢、元曰崇禎、從魏忠賢鳳陽自  
殺、帝見天下將傾、慨然有更張之志、沈機獨斷、除祛  
奸逆、無賢者在位、乃復信任官官、明黨滿朝、驕兵亂  
邊、潰爛不可支柱、北虜強盛疆場日蹙、虜号曰清、敗  
屬諸夷、天下盜賊蜂起、群臣莫敢効力、咸歸咎朝、天  
十七年流賊李自勢張獻忠橫行天下、諸府親王賊  
殺都盡、李自勢攻破北京、帝縊死、遼東總督吳三桂遣  
使于清請救、欲逐賊復立明之後、四月清兵南下、  
破賊於山海關、五月入京師、未帝尸、葬以禮、令臣民服  
喪三日、謚曰莊烈愍皇帝、清世祖以為李自成滅

明不復立明之後、誅自成有天下、三桂悔之、是年我  
正保元年也、四月鳳陽總督馬士英奉神宗孫福王  
由崧即帝位南京、年号弘光、而由崧闇弱士英以營  
私家為事、中外失望、明年清兵渡江、無禦之者、執由崧  
而去、初唐王聿鍵者、太祖子唐王桎之後也、崇禎九  
年、以勤王倡義、忌之、函之鳳陽、及由崧立、救出之、  
南安伯鄭芝龍等、聞由崧被執、勸聿鍵稱帝、年號隆  
武、居于福州、芝龍本群盜也、聚歛畜財、不肯出兵、聿  
鍵雅有恢復之志、為鄭氏所制、鬱不樂、會李自成  
敗、湖廣總督何騰蛟降其衆、合故十餘萬人、請聿鍵

出湖南、是時靖江王嘉亨、魯王以海、不肯受聿鍵之命、咸自稱監國、与之相距、聿鍵訪之群臣、咸曰、芝龍跋扈、不若就騰蛟、聿鍵從之、既廵撫瞿式耜襲擒靖江王、明年、清兵大出、魯王自紹興逃入海、芝龍子成功不禮之、聞其將如南灣、執沈之海、八月、清兵至汀州、聿鍵投水死、群臣式耜、騰蛟等立永明王、由榔為監國、聿鍵弟聿鎮怒曰、我在此、何得立永明、自即帝位、年號紹武、由榔曰、監國与帝、相去幾何、不正号、恐不抗、又即帝位、年号永曆、清執聿鎮、代由榔、二走梧州、永曆八年、走雲南、十三年、亡入緬、十五年、清入

緬、以由榔与清、明竟亡、明年、由榔死于雲南、是年、清世祖崩、初、由榔父曰桂王、常瀛、神宗七子也、迨福王敗、稱曰監國、既以唐王立、替其號、嗚呼、使諸王咸如常瀛、雖敗亡之餘、人心知所嚮、中興之業、庶幾矣乎、吳三桂後、永明後起兵、不克、

清世祖章皇帝諱臨、其先韃靼滿部、有種落、無姓氏、以強兵世為明之患、其地當于古北口以東、朝鮮之北、隨盛隨南、沿邊京畿、歲莫不蒙其害、世祖之王父曰奴兒哈、追謚高祖、父曰老四王、謚太祖、元和五年、明万曆四十七年、明楊鎬以朝鮮伐韃靼、大敗而還、

明年明泰昌元年、滅北關蹇<sup>三</sup>、号後金、明天啓七年、  
後金攻朝鮮、<sup>二</sup>請平、遂蠶食遼東之地、無与明通、  
寬永十二年、明崇禎十年、清太祖入朝鮮、責以首海  
上使使于明、崇禎十七年、明大乱、流賊李自勢攻殺  
明帝、是年世祖新立、誅自成、有明之地、年号順治、以  
滿俗為治、諸年十六以上者去髮、唯留可足為辨、  
至為秀才存其鬚也、位十八年崩、太子玄暉去、年曰  
康熙、帝恭敏好學、多傳其著書至日本、二年伐臺灣、  
克塽降、克塽鄭成功孫也、十二年冬、吳三桂為明反、  
雲南、明年耿精忠反、福建、尚之信反、廣南、初李

自成之敗也、賊馬鶴子降于清、為陝西提督、改  
名王輔臣、舉平涼之兵、應三桂、秦隴動、大將軍圖海破之、  
檻送京師、道死、精忠謀越仙霞關、浙江總督李之芳以  
兵扼不能進、清与三桂兵戰、荆雍之間十四年、之芳  
既破仙霞關、戰于閩地、一年、擒精忠、十六年、三桂有  
病死于岳陽、賊勢益蹙、廣南平、十七年、清克成都、二  
十年、章泰貝子賴塔入雲南、吳世璠自頸、久之遣兵  
伐噶尔丹、<sup>三</sup>降、以師疲食乏、聽之、帝有子四十四  
人、以長子濂暴故不立、太子在位六十年、病大漸、立  
四子、晉王胤禩、而為太子、帝殂、謚聖祖仁皇帝、

子代立、改元雍正、帝聰明、雖千里之外若目覩焉、然以俄立為太子、人心不服、宗室何其郡塞思里允禔、大臣隆科多年羨竟鄂倫岱、河再松等、謀廢帝事、發覺被誅、從是專以刑法御下、郡臣重足而立、後自悟其非、開言路、施恩卹、官吏廉潔、列郡無事、帝立不用兵、但一征西藏、在位十三年、殂、謚世宗憲皇帝、享保二十年、事也、太子弘曆立、改元乾隆、帝不好遊、吸、留心庶政、免逋賦、千萬、西域江南、浮糧、有災、傷、遣吏贍恤、稱為明主、噶、再丹、弒其君、遣兵討之、不戰降、

外國傳第五十四中

卷七十九

朝鮮者、古新羅韓卿之地也、天照皇有弟曰進雄、嘗適韓卿云、其後周武王誅紂、訪道于箕子、箕子為陳洪範九疇、武王賢之、封諸朝鮮、不臣也、箕子教民禮義、耕桑、作八條之約、使知有法、無強盜、不夜局、俗柔謨、道義存焉、自箕子四十餘世、至漢時、漢亡、入衛、萬襲朝鮮、君準、逃亡、萬有朝鮮、萬孫曰右渠、武帝擊滅之、以其地置四郡、準既為萬所亡、其國走並海上、居韓地、号曰馬韓、七十餘萬所、後屬辰韓、弁韓、焉、其戶亦四五萬、世仁帝三十八年、百濟并馬韓、百濟



高麗之種也、与新羅鼎立爭境土、二韓益微神功元年、親征三韓、蹙牙守廷、三韓歲納貢、繼體帝時新羅棄任那地、帝以為任那先三韓歸日本、詔使反侵地、新羅不可、欽明帝時新羅竟亡任那、帝傷不能救、遺詔存任那、於是遣軍伐新羅、竟不能得志、自後或貢或否、齊明帝六年、唐新羅亡百濟、高麗後百濟亡八年、亦亡、延喜元年、鹿族弓裔叛據故高麗之地、百濟復興攻新羅、自是多難、居十八年、高麗王建、逐高麗王弓裔自立、復稱為高麗王、高麗強伐并新羅百濟之地、弘安中、尊元兵伐日本大敗、明初其相太子

仁人弒其君顓、立太子禍、好田、無禽入百姓家、于搏雞犬見婦女好者、便載歸、嘉慶二年明洪武二十一年、謀侵明、群臣諫曰、元戎狄也、先王以其強故事之、其亡也非可復興、且先王已受明正朔、今背之、欲為元復讎、不復棄先王之命乎、禍不可、遣大將李成珪寇遼東、初僧辛毗率于顓、還俗為領都、會議生子禍、顓乃以為己子、以故國人久思亂、成珪至鴨綠江、將濟軍、衆擁成珪還王城、廢禍立其子昌、禍既廢、欲貨殺成珪、所得貨者、反以告成珪、是時顓妃安氏尚存、成珪言曰、禍昌辛氏、不宜奉王氏宗廟、安氏乃立

王氏之子瑤、殺昌、放仁人、李成珪有大功、屢破海寇、其先仕新羅為司寇、族大、國人歸之、瑤立四年、國人若瑤之暴、廢瑤立成珪、乃使稱臣、請封于明、明人將不容、太祖曰、蠻夷之俗、不足勞兵往誅也、封成珪為朝鮮王、成珪為王十七年、老卒為太祖康獻王、子恭靖王禔立、三年卒、弟太宗恭定王芳遠立、履對馬、芳遠十九年、老子世宗恭憲王禔立、三十三年卒、子文宗恭順王珣立、三年卒、子魯山王弘暉立、三年病、讓位于叔祖世祖惠莊王璵、五十五年卒、子睿宗襄悼王晄立、一年卒、兄子成宗康靖王璿立、按

時賢臣有申叔舟者、病將死、按使人問所欲言、叔舟曰、願勿失日本之驩、按立二十六年卒、子燕山王懼立、十二年傳位于弟懌、三十九年卒、謚中宗恭僖王、子仁宗榮緒王立、一年卒、弟明宗恭憲王昺立、二十二年卒、從子穆宗昭敬王昭立、是年永祿十年也、昭久居位、怠懈悅諂諛之言、文武並廢、朝鮮北接兀良哈、西通遼東、南去對馬列女里、東西二千里、南北四千里、隋唐以兵伐之、不能服也、海上有釜山浦、近對州、賈人往來有長子孫通婚姻者、我因之知其土地人情、天正十五年、秀吉在筑紫、使對馬侯義智往

硯之朝鮮王亦使來聘時秀吉年老稚子雜死罷  
關白居家聞明帝世不賢不能憂遠宥伐朝鮮之志  
台其使黃允吉語曰子歸告王明年我將攻明王以  
兵糧資我勿違期允吉驚駭歸白明恐不知所為  
又不遣使日本然未以為實伐已也秀吉又使義智  
往見明通日本于明明愈益疑懼不報秀吉乃命徵  
兵天下令九鬼嘉隆多造大船糧于邊五十万石  
絕不納外國人文祿元年春小西行長宗義智松浦  
鎮信有馬義統大村喜前立鳴盛李等万八千人為  
一軍加藤清正鍋島直茂相良長每等二万二千人

為一軍行長清正更為前鋒黑田長政大友義統鳴  
津義弘毛利高敬高橋元種秋月種長伊藤祐慶二  
万五千福嶋正則戶田氏繁蜂須賀家正長曾我部  
元親生駒一生二万五千小早川隆景久留米秀吉包  
立花宗茂坑紫廣門大將毛利輝元四万五千九鬼  
嘉隆藤堂高虎脇坂安治加藤嘉明久留嶋通綱  
菅達長桑山重晴堀内氏嘉九千凡六軍其衆二十万  
渡海伐朝鮮神祖及羽柴秀俊前田利家織田信包  
結城秀康織田信雄上杉景勝蒲生氏卿佐竹義宣  
伊達政宗最上義光森忠政丹羽長重京極高次木


下勝俊、堀秀治、堀親良、村上義明、溝口秀勝、木下  
俊房、木野忠重、青木一治、宇都宮貞綱、畠山實季、津輕  
為信、南部高信、本多伊勢、那須資景、日根野吉明、北  
條氏規、伊藤長門十萬人、秀吉親將六万、叱名古屋、  
四月、行長至釜山浦、東萊潰、進攻忠烈、拔之、朝鮮大  
震、清正長政取金海、昌原、列城、凡解、行長、清正、合軍  
忠烈、爭事、欲与死、直茂止之、分軍進、清正當行、有河、  
行長使人先行索所有舟、盡壞之、朝鮮前、何陳旌旗、  
甚盛、列舟于其下、清正曰、是已逃矣、不則烏安備舟、  
而下、使善泅者取舟、渡河入王城、王既奔三日、次子

瑋攝國事、亦走大將輝元、令諸將追王、行長自平安  
道、清正自咸鏡道、長政自黃海道、隆景自開城府、高  
敬自河原道、行長至鴨綠江而還、鴨綠江、朝鮮与明  
之疆也、清正行獲王之子臨海君瑋、光海君瑋、伐元  
良哈、燒其都城、行長愧無功、要諸將入明、諸將咸曰、  
全羅慶尚猶多未下者、先取此二道也、明末可入、明帝  
以為日本滅朝鮮、渡江、遼東危矣、渡海、故齊魯之  
地動矣、二邊動、則京師不安、使副總兵祖承訓、遣擊  
史儒、選邊兵三千救之、至則咸沒、兵部尚書石星以  
為、寧夏未平、宜約和、緩其兵、窺遼東者、以不得互市

也、薦知日本事者沈惟敬、往見行長、許封貢、與嫁公主于大閤、行長亦悅、和議曰、公主為后、大臣交獻誓書、復通勘合之符、以四道為朝鮮、以四道為日本、質王子于日本、封大閤為王、而後罷兵、惟敬反命、從是、按兵不戰、以候惟敬之報、六月、置府于城、典朝鮮事、益渡兵、伐明之救、奉行增田長盛、石田三成、大谷吉繼、前野長康、監軍加藤光泰、總督浮田秀家、方七千、淺野幸長、官部長房、南條光明、本下重堅、垣屋新五郎、村廣秀、明石則實、別所治高、中川秀重、稻葉貞通、服部采女、一柳右近、行中重則、谷衛友、石川康勝、伊

達政宗、方五千、羽柴秀勝、織田信包、細川忠興、長谷川秀一、木村重高、小野木公知、牧村政高、岡本包安、糟屋宗重、片桐且元、片桐貞隆、高田豐後、藤懸永清、大田政信、古田重勝、新庄有昌、早川貞敏、龜井茲經、二方五千、丸三軍六千人、高虎嘉明、擊取其舟、于木子、神臣戰不利、行長愈益欲和、七月、秀吉委軍事于神祖、與利家、歸省母疾、至則母既死、葬、復如名古屋、二年、明以李如松為總兵提督軍務、兵部侍郎宋應昌為經略使、其兵二十萬人、如松至、自平寧夏、使惟敬說行長、以封之事、以兵隨其後、圍行長于平壤、大友

義統不戰遁、行長見給不為備、復見無其救、出奔王城、台清正等共防明兵、如松亦使其弟如栢復開城、黃海平、安京畿、江原復為朝鮮、如松便欲復王城、為隆景宗、茂長政所敗、南安亦為日本、三月忠興、光泰秀一重、高攻、晋州不克、如松乃燒龍山倉、朝鮮兵民往、相集保聚、兵食匱而道路不通、封貢之議復興、諸將相謂曰、明兵二十萬、據開城待我、故也、我兵僅十萬、得城不守、下州不鎮、欲戰不得、欲攻不可、如是曠日、自困之術也、晋州可取、不能守、不若益請兵食、取金、羅慶尚、通王城、金山之道、時輝元病不能視軍



事、養子秀乃元新至、代視軍事、其衆二萬人、諸將悅、欲復戰、行長雖主和議、以前平壤之敗、深怨惟敬、不之信也、惟敬乃使監生徐一貫生、負謝用、梓厚贈諸將、三奉行市、皆雅不悅、清正欲敗其功、皆善和義、故其俘、燒營、歸釜山浦、六月、行長以惟敬一貫用、梓、歸名古屋、秀吉使內藤如安往、報于明、歸二王子、入王于王城、令諸將取晋州、而後許和、七月、拔晋州、斬首萬餘級、如松台惟敬詰之、惟敬乃見行長、告以如松之詔、行長曰、子雖說和、明日出兵、我豈坐受其欺、背約者、景謹、惟敬不能答、明帝以晋州敗、遣薊遼巡撫顧

養謙代宗應昌論事不適更遣侍郎孫鑛問惟  
敬朝廷命子以和親乎惟敬詭對曰日本俗謂和為和  
親已非朝廷許親鑛不信使問行長如惟敬之言  
乃使如安入京秀吉以脅要逼迫為術不知何物為  
札文得忘于日本欲如諸明君臣不曉召如安具  
問其情石星教使請封貢互市明帝曰日本多變受  
其貢与之互市邊不得安唯冊封無害遣臨淮度世  
子李宗城都指揮揚方言齊印往封曰待其兵盡去  
而後行聞鑛印惟敬自以為得使者及命下大失望  
仍作危語動宗城勲家子不歷事大懼為陷死

地又欺明曰日本兵已去留金山浦者為護使者也  
而秀吉以如松不歸意和不成益備糧草欲深入日  
子神祖利家計事黑田孝高曰舉大兵涉不可知  
之地非源管二公為之將不能成功清正行長勇力  
有餘方略不足入出令入敗之諸將不知所從  
亦咸不知撫御之方邑里無人三道為墟明兵可破  
也朝鮮不可有也若二公不可行雖孝高亦可矣秀  
吉不懌曰行長思歸無關志我必親行隲三韓滅朱  
明即帝位于北京利家將左軍氏卿將右軍以從我  
行源君居守治日本神祖作色曰臣豈不可用耶臣

不奉命、秀吉怒曰、我命行天下久矣、將軍獨不從何也、神祖固守不移、淺野長政曰、是野狐之精耳、將軍幸勿為意、秀吉乃援刀欲擊長政、曰、臣之死不足惜、兵戰國之末、群雄暴布、四方雲擾、老弱羸于轉漕、丁壯若于軍旅、百姓不得其所久矣、適屬天之厭喪、亂、連冠授首、州郡歸命、當是之時、瘡痍未愈、務當念所以休息也、然無名之師、伐無罪之國、神怨民怒、殆甚戰國、入不測之地而不反、爭不守之地而不止、是以國家遺人也、盜賊並起、城郭為墟、曾不累時、月源公雖勇、雖智、安能以寡兵抗天下之寇、欲進不

得、欲退不可、國家之事、有不可勝言者、臣不忍觀之、請先之死、秀吉意稍解、令左右扶去、會肥後盜起、相聚萬餘人、言兵寡不能討也、秀吉曰、長政曰子之言信也、使長政子、率長江戶將本多忠勝討之、將行、會賊平、使長政往搜其黨、是時淀夫人生男、秀吉悅曰、石屋至和議、李如松已還、軍事我無憂、遽裝歸阪、清正以失二王子、欲敗和議、宣言如安見殺、攻安、康擊破明、援兵三年、祭關東、北國之民、城伏見、又如芳野見花、諸侯從者數千萬、窮極奢麗、前是、大友義統、豐後、以其地立垣、見家、純等七御史為侯、如金山、台



還伐朝鮮兵及三奉行、留數萬人、以俟明之事、四年  
奉、明使者至釜山、李宗城棄璽書、頸歸下獄、遣戍、以  
揭方亨為正使、授惟敬遊擊將軍印、行副使事、惟敬  
悅、欲与昭使者俱行、昭不可、強之、慶長元年、清正行  
長義智以使者至伏見、秀吉以昭二子不至、不見、昭  
使者、八月、使者入見、惟敬大畏、不敢仰見、匍匐前至席  
之下、進黃金印、策書、方亨亦一隨、惟敬所為、秀吉  
令僧兼允取策書讀之、至封日本王、止之、罵曰、我思為  
明王、如日本、豈候彼封哉、行長欺我至此、引出行  
誅、兼允曰、是非行長、以此欺殿下、若必以明封殿下、

明居行地、自古受封者親受詔、若遣使者、今行長使  
殿下坐致其使者、万世之後、使殿下抗威武之名于  
四方、願殿下察焉、秀吉竟不懌、以清正代行長、典明  
之事、又命伐朝鮮、惟敬行買天鵝絨狸、毡為貢物、  
偽造秀吉表、歸報、明年正月、復遣兵、清正行長為先  
鋒、黑田長政、毛利勝信、鳴津忠恒、高橋元種、秋月種  
長、相良長每、伊藤祐共次之、鍋島直茂次之、寫律義  
弘次之、長曾我部元親、他田秀雄、藤堂高虎、中川秀成、  
久留嶋通綱、菅達長、加藤嘉明次之、蜂須賀家正、  
生駒近世、脇坂安治次之、浮田秀家、毛利秀元次之、

羽柴秀秋守釜山、立花宗茂守安骨浦、高橋益次筑  
紫廣門守加德、久留米秀包守竹嶋、淺野幸長守西  
生浦、藤堂高虎等據水次、為久留米之計、據險阻、禁虜  
掠、目中已有朝鮮、王昭恐奪海列、商賈不通、農民伏  
匿、以故無所得糴、按兵不能進、明帝以兵部侍郎邢  
玠為經畧使、揚鎬為經理、巡撫麻貴、劉紱為南北大  
師、發兩浙、川、廣兵、三道並進、早責惟敬以割四道、  
明責以兵不解、惟敬乃欲降、日本邢玠下記南原、拘  
之、石星猶以為和可成、方亨復曰、秀吉既受封、怒、松  
下遣一子、故復襲、松耳、及表文、復、松乃肯告其實、明

帝詔斬惟敬、下石星于獄、七月、明自海上襲釜山、大  
敗喪其舟、惟敬望南原、誘已捕之、竊殺行長、取南原  
全別潰、明兵又敗于全義館、然諸將不利、戰、據險、隘  
自守、久鎬圍蔚山、有吳惟忠者、見鎬曰、圍城、開一面  
所以示生路也、將軍欲殲之乎、恐未能也、鎬不可、於  
是攻益急、幸長引兵赴之、貫陳、直入、日夜乘障、當矢  
石、居十餘日、清正亦至、監軍光泰謂幸長曰、子者國  
之親也、持重為喪之望、三年正月、食盡、沒、折、佯降于  
鎬、不受、曰、我殲寇之秋也、秀元以黑田長政加藤嘉  
明、森忠政、蜂須賀家正、鍋嶋直茂等五萬人、分為

五軍伐鎬敗之斬五千餘人於是鎬黜巡撫五世德  
代為經理分衆為四軍董一元為中路當望津、  
義弘壁焉麻貴為東路當蔚山、  
清正壁焉劉綎  
為西路當順天、  
行長壁焉陳璘將樓船當海上  
之軍以待日本之弊秀吉乃還中國四國兵休息秀  
吉病自以為不能起愴然曰勿使十方之衆為異土  
之鬼遣秀元長政三成往収兵若不能則存府納言  
在此七月十八日秀吉薨會薩兵大敗董一元明兵  
見我還不能追連舟于海口伐其屍初朝鮮人不能  
戰玠責其王曰天子憐王之被兵農衣疇食救其急

不惜甲帥之死然王舉國之衆無闔心皆主辱臣死  
之義縱無倭之寇能全其社稷乎士卒聞此語日夜  
相勵思死敵我兵狃侮屢敗行長南出明鄧子龍疾  
戰多殺傷其下發炮誤碎其檣行長因其亂擊殺子  
龍必統制使李舜臣圍行長三匝行長棄擊自投會  
義弘于加德又戰斬陶明宰唐朝鮮貴人七國科劉  
天爵明將劉綎走十月日本兵盡歸對馬五年九月  
三成作亂被誅天下歸我神祖、  
方思憶遠方、  
詔宗義智曰子召朝鮮人不聽告我、  
不敢傲曩時之  
相殺相掠唯遣兵取其木無一矢之費朝鮮為理是

時明兵戍海口、義智使不得達、義智憂之、有言曰、甚  
右衛門者、應暮而往、至東萊得府使之書而歸、王昭  
謀曰、明戍兵暴民甚于兵火、不若与日本和、而罷其  
戍、然日本不可信、因此生事、兵復興、猶与不决、前所  
俘金光与義智使橘智正來、具為王言、所以為來、王  
昭乃謝明、還戍兵、使孫文或僧松雲如對馬、多齎幣  
物、隨且將事、義智乃与兵如伏見、時世子朝京師、縱  
二人觀焉、命還所俘虜千三百人、其不願歸者聽焉、今  
茲慶長九年也、十一年賜書朝鮮王、明年王獻方  
物、初、昭太子瑋為清正所執、恐怖成病、昭平不能立、

次子瑋立、二、清益強、役屬旁國、元和三年、瑋使來  
賀平政五年、明万曆四十七年、朝鮮遣大將從明、楊鎬出  
塞、与清戰大敗、明年清滅北閩、賽、朝鮮大震、九年  
瑋為人懦、又病久不視政、從子名保、長耳豐眉、姿表  
異于人、瑋繼母金氏愛之、与謀燒王宮、保為救火、領  
兵入宮、執瑋、至投火不死、金氏數瑋不孝、不義  
而殺之、保代立、是為仁祖、是年太宗立、明年保使來  
賀、使者舍所賜銀于對馬而去、今年李适作乱被誅、  
西邊儲儲咸盡、後三年清屠鍊山、斬首六万、焚粟百  
餘万石、平壤黃川潰、清太祖遣使前保、降寬永十

二年、柳川調興偽造印信事、發棄邑、倭使來謝、上  
賜使者銀、使者与之對馬、計直換歲例、公木、十  
四年、明崇禎十年、清太祖伐朝鮮、列城不守、倭出降、  
太祖責以通使于明、而釋之、朝鮮以明之救、免日本  
之難、雖降于清、猶通使于明、從是竟絕、後七年、明亡、  
清世祖即帝位于北京、以胡服變天下之俗、去髮、止  
作辮髮、倭君臣獨曰、若必如此、雖以國斃、不能從、清  
乃釋之、前是使、者祭光陵、稱崇禎年、明亡以甲子  
紀年、耻為臣于清也、明亡之年、對馬、義成移書勿  
納耶、蕪、至其地者、執之、慶安三年、對馬、平、成、幸、來、

問所以事、清甚凶悖、且去對馬、為朝鮮主、和用銀三  
十萬兩、不還、不能復任和事、待報三月不去、倭不得已、与米  
子石木二百同木者、木綿、同者其數也、明年、倭卒、子、湊、立、  
是為孝宗、是時對馬、吏卒九十餘人、為暴、不能制、移  
書、義成、使治之、明曆元年、使、賀、嗣、位、萬治元年、湊、卒、  
子、棚、立、是為顯宗、對馬、災、貽、米、三百石、延寶二年、棚  
卒、子、煇、立、是為肅宗、後二年、清康熙十五年、故明、遼、  
東、總、督、吳、三、桂、擁、明、遺、子、舉、兵、對、馬、倭、使、人、問、  
西邊之事、王、煇、乃、具、報、諸、清、元、祿、六年、雲、  
州、人、於、竹、島、捕、朝、鮮、人、為、盜、婦、之、朝、鮮、使、人、謝、之、既

又來言竹島元名鬱陵、自新羅高麗時已有之、  
近時又与日本人按地圖、為朝鮮地、八年割竹島与朝  
鮮、儒士誹之、正德元年來賀嗣位、移書云數更銀  
貨、輕重無常、是時焯卒、子炆立、享保四年使、  
賀美統、清台從使者至日本者申之、淳等問以日  
本地形人情、後炆卒、子炆立、延享五年使、賀嗣位、  
我逮見其時事、

琉球、在薩南海中三百五十里、不得風則十日而至、  
西去福建七百里、得風則七日而至、島凡三十六、其  
國之傳有之、天地始判、有男女各一人、為夫妻、生三

男二女、男其一為國王之先、号為天孫氏、一為按司  
之先、一為庶民之先、其女一為女君之先、一為內侍之  
先、初土地猶小、為水所浮、無所依據、有天孫氏視  
其可居所、為國之體、植之木、種之草、取龍宮之火、教  
民稼穡、火化、祭神二、陽者降自天、陰者出自海、于今  
率月一至、王妃以下三十三人、号為龍女、供祭之事、  
其民間龍女、往而在山川之神、或年一見、或六、七  
年、或十餘年、無不至也、又邑里祀伊弉册伊弉諾、天  
照皇應神、帝管丞相、蓋舜天王之所建也、天孫氏有  
國万八百餘年、舜天代之、舜天王源為朝子也、為

朝自大鳴西行至琉球、是時天孫氏德衰、按司以刀  
相征、大里按司貪為朝、以女妻之、生舜天王、迨為朝  
歸、日本舜天王隨母從浦添、舜天王酷似其父、邑人  
畏之、十五歲立、為浦添按司、遂滅天孫氏、立亨國  
五十二年、嘉禎三年卒、子舜馬頌熙立、寶治二年卒、  
子義本立、正元二年傳國于子英祖、正安元年  
卒、子大成立、元屢招諭不從、延慶二年卒、子英茲立、  
正和二年卒、子玉城立、無道國分曰山南、曰山  
北、曰中山、玉城君焉、三王皆尚姓、以尚為姓者、  
不知始何時也、玉城有國二十三年卒、子西成立、十

三年卒、子察度立、察度時元亡、明起、明行人楊載  
使于日本、過見中山王察度、山南王義宗、二王乃遣使  
齎方物從載往明、太祖賜以黃金印、二王以為爵等、  
以禮數相讓、屢與兵侵伐、太祖復賜山北王怕  
尼芝金印、詔無相攻、中山王慕明之禮義、遣子  
弟及大臣之子往學、太祖遇之甚渥、又賜察度等圖  
善操舟者三十六姓、應永十一年、明永樂二年、察度卒、  
弟武寧立、是年山南王亦卒、從應祖立、應祖兄達勃  
期殺應祖自立、諸寨官謀殺達勃、期立、應祖子  
佗每魯山南益弱、武寧立四年卒、子思紹立、思紹

十八年卒子巴志立十九年卒子忠立爲津氏  
始大役屬琉球忠六年卒子思建強代滅二王有三之  
地五年卒叔父金福立金福通使于源義政之四年卒  
弟布里与金福子志曾争立鬪傷共死布里弟養久  
立九年卒子德立十年卒子圓立八年卒子真立四  
十九年卒子清立三十年卒子元立十七年天正元  
年卒子永立秀吉伐爲津氏台永不立秀  
吉將伐朝鮮恐琉球池我之謀絕不納其使天正  
十九年永卒子寧立寧懼秀吉爲明之患言封之使明  
帝以爲然詔問朝鮮言琉球之不實而不知其謀已也

文祿元年寧益不自安獻蕉布二百段秀吉与  
使者銀末山北之地寧不聽秀吉怒責歲納四千兩銀寧  
不敢違既伐朝鮮令寧以万人助軍具三年之食寧  
使請之三反然後已慶長七年天下歸我神祖嶋  
津氏故無事明使者如琉球歸言琉球爲倭不久倭  
奴持兵器過都城者知之禁也明帝然之詔寧不  
納薩入十一年薩庶請用兵琉球上許之十四年使  
橫山之高平田太郎將兵八千餘入藤臙百餘艘伐  
琉球寧兵五千出都百里據日本山聞炮便潰寧乃  
以鍊鎖斷港薩奇兵出其後寧兵又敗追北三晝夜



圍王城、寧請降、薩戾上聞未報、二將入王城以  
寧歸、明年上赦之、臣事薩寧、乃從薩戾朝于  
駿府于江都、獻閃緞、蜀蕉、大平布、其國所產也、其  
俗、明子日本半、稻再熟、菜蔬或經二四年不枯、鮮  
衣、美食、不用刀、民富、薩戾已得賜琉球、置更為  
政、歲收米六万石、放其虜、明神宗使有司遺書  
于薩、為寧請為上、開放寧歸、發使于明、為日本求通商  
賈、寧元和元年卒、子豐立、遣使告立、又賀文宗、後王咸如之、  
小事使者至薩耳、寬永十七年豐卒、子賢立、正保元年明滅、  
清北京二年、明福王弘光元年使、冊賢為王、四年卒、子堅

立、養應二年、堅卒、時明不絕如綫、朝夕殆亡、堅子貞  
受清封爵、室永六年貞卒、子益立、正德二年益卒、子  
敬立、琉球以日本銀貢于清、以銀恩責王、上乃置  
場、京師別作其銀、

蝦夷古北倭之地也、号曰渡島、蝦夷、渡島北曰北蝦夷、  
皆方可二三百里、在奧之北、韃靼之南海中、以海為  
界、不過十數里、亦往、雜居奧羽之間、西及三越、南  
至常之坂、或種落而居、性禽獸、不知仁義、屢叛屢  
服、不可為之備、劫盜苦良民、成務帝時、鮮卑擅石槐  
東擊、移倭人千餘户于秦水上、令捕魚助糧食、宋時

毛人有五十五國云、蝦夷長六七尺、遍體生毛、鬚髮  
与髮齊而不束髮故謂之毛人性便山海拔涉沈浮、  
如行平地、逐獸必殺、射魚心中、衣其皮、食其肉、無文  
字、不紀日月、齊明帝遣阿倍臣率舟師伐之、飽田淳  
代首師降、渡島夷未受盟、置淳代津輕等郡、明年以  
飽田淳代津輕、振鉏等夷伐蝦夷、置治于後方羊  
蹄、今西部者其墟也、是年遣唐使以蝦夷如唐、後百  
餘年內地夷益盛、盜賊依據以為民之害、桓武帝拜  
田村麻呂為征東將軍、徙蝦夷于渡島、以海為塞、距  
夷、從是與羽不復患蝦夷、後六百餘年、蛎崎氏逐蝦

夷居渡島南、名其地曰松前、城而居焉、嘉吉中、夷  
大聚為寇、蛎崎氏將武田依信戰走之、蛎崎氏以為能  
以女妻之、為家督、信廣竟役蝦夷而君焉、使納毛羽  
之屬蝦夷有五部、咸依海而居、架林為棟、以毘布荒  
布葺之、天旱則卷、將雨則舒、雖數十百家、皆接宇也、  
山者穴處、東部廿四種、西部卅一種、北部四種、東  
北七種、河上聚十三種、有酋豪、無君長、豪大者百  
餘戶、大者百餘口、生十歲則沒水捕魚、以姊妹為  
妻、無則它聚、多者有七八妻、無父子兄弟男女之別、  
同室而寢、同器而食、夫死不再嫁、以見乳為深耻、生

而連眉其飾多於男子、取草木之皮為絲甚纖細、適  
人則刺面及手作花草之狀、無錢幣、鬻藥、樂、服、制  
舟車之用、近世以來、割木架之、貴人、負耳以銀環、卑  
者用鉛錫、又有負鼻者、晝一食、夜無竿、得稻麥、藏以  
羞賓客、近世以來、種稷芋之屬、尤嗜酒、相其草木則  
極長大、不類內地之所產、其獸有能羆麋鹿、無牛馬  
異獸、有海豹、海獺、海狗、海牛、又有魚如江豚、鯨、觸其  
鬚則死、夷乃鬻其肉、熬其膏、兵械有皮甲、藤笠、刀  
箭、弓矢、吹竹、聚、聚、求、烏、垂、椒、蜘蛛、塗其矢、抹生蒜、附  
之、毒解、是以有仇者、佩生蒜、善磨石作鏃、方無夏時、

刀、咸無刃、人死、兄弟、叔、姪、責以不孝、不弟、舉其力相  
擊、流血于面而止、癰亦隨愈、東部有原、廷、尉、墟、辨、慶  
崎、在西部、夷為祠、祈之、必有得也、北蝦夷、精悍、尤  
難馴、有二十二部、產、雕、羽、碧、玉、賣、蟒、緞、文、繒、綺、帛、咸  
貨、韃、子、所得也、信、廣、世、孫、慶、寅、以、蝦、夷、攻、九、戶、慶  
長、初、慶、寅、以、所、居、号、為、松、前、氏、死、子、公、廣、請、開、金、山、  
商、賈、往、來、相、屬、寬、文、中、夷、始、瘡、瘡、死、者、甚、多、田、澤  
乙、部、二、部、為、之、亡、此、時、川、北、亡、人、在、太、夫、誘、誘、蝦、夷、作、亂、  
酋、長、雀、置、胤、有、刀、負、三、馬、說、庄、太、夫、之、言、以、女、妻、庄  
太、夫、往、來、諸、部、波、夷、酋、鬼、菱、察、其、有、異、志、潛、往、金、山

侯伺雀置亂乃發兵圍金山殺鬼菱及松前使者高  
賈四百人於是郡縫之道不通上以為公廣孫高廣  
幼新代其父遣其父之弟親衛茶廣往擊雀置亂曰  
若與羽至難戰欲急入郡縫至郡縫見發砲殺人如  
大驚沮又聞茶廣至脫甲逃散茶綱乃誘雀置亂殺  
之燒庄大夫反者悉平蝦夷東北尚有二十七國高  
賈或至其地俗極疑不親近人去其北海氣昏黑  
不見日月所謂夜國者也

外國傳第五十四

卷七十九

阿蘭陀者入尔馬泥亞種也以毛髮赤呼為紅夷去  
長崎万二千九百里居北海嶋中其人白皙蓬首甚  
長大深目昂鼻以唇舌言橫文有二十四分而為兩  
也稱身為衣戴檀笠披皂纒于背無大君長共和為  
政酋長部帥莫不得其人也有所奉之法與耶蘇異  
猶浮屠有宗汎也其初捕魚海上往來無所定居稍  
漸土着為部落後属于伊斯把尔亞常供其役永正  
中以其見侵侮叛不受其命伊斯把尔亞攻之不克  
陷十餘列相仇百餘年田荒不易城壞不捕將而于

斃隣國為言釋其怨紅夷乃歸所侵之地自保聚為  
七列天正後厚賂暗尼利亞從之俱遠販貨遠方  
所至能知其土之風俗嗜好而中以其所求遠近陸  
易廣狹小大志之不遺遂欲府天地之間而盡有其  
所生殖之權通貨三百餘國其際所留居積貯三十  
餘紅夷廣輪四程所士猛兵強雖大國畏其結怨  
自開國以來亦未嘗相攻見画師所圖源乎戰爭曰  
何國常侵日本何其俗之相似也人或喻告之不信  
曰豈有邦人相攻之事耶天文地理自然成其法望  
天知地推地測天高度之以遠厚量之以長不信于

所不見不疑于所不聞其曆以歲統日以日統月以  
冬至為歲首有墨瓦蠟泥和者天文中其國稱為有  
聖智裝六船資十年之食行天地之間船朽而焚之  
者三自古言地之形者以理耳墨瓦蠟泥和所親踐  
履積塊之極有八十二天國立為五列作万国輿地  
全圖、蠻中說地理者莫不宗此也醫知腸胃脈絡病  
之所在而治之漸浣之針熨之必不可治則剗剔以  
木代其骨又善御馬入道之要貨為貴而雖父子自  
有其分不相假力紅夷見伊斯把你亞據呂宋市香  
山慶長二年、明萬曆二十五年、至平戶獻所齎之貨

六年攻呂宋、未聞互市于香山、明人不許鄉道者下  
獄、九年攻敗美洛居國、于仁即機分地而守、于爭、威  
于海上、又置錢羅雷于臺灣、錢羅雷者、猶言總兵也、  
久之臺灣蠻襲取澎湖、明人誘蠻毀其城、言許之互  
市、紅夷強橫于海上、苦之、常劾未次政直所遣  
舟、識其長崎人、縱之、尚留十餘日、多乞酒食、乃免、長  
崎尹募壯士濱田弥兵兄弟十餘人、如臺灣、錢羅雷留  
以弥不佩刀、召入帳中、弥入帳中、責以行劫、錢羅雷留  
大怒、左右麾執弥、直進抱錢羅雷、弥弟新藏、棄侍  
者刀、擬及于其胸、使譯呼曰、動則殺汝、主錢羅雷曰

臣知罪、然臣死、罪人不可得、臣有兒子、願代臣行、臣  
執罪人往贖、兒子之命、弥乃捉其子、歸、從是之後、紅  
夷見長崎人、畏之、不敢近、十四年、紅夷至駿、命許立  
場交易、元和九年、明天啓三年、紅夷已去澎湖、以竟  
不許互市、復入城、彭湖、貴列三路、征勦不克、明年福  
厓巡撫南居益伐大敗之、寬永九年、紅夷數入、前与  
未次氏通犯禁者、放還、十五年、以善火器、令從海上  
攻原、殺賊二人、火器壞、傷監軍、及一夷、監軍以為無  
益、罷之、後猶以從軍、故厚之、諸蠻歲至江都、然其船  
中多兵器、尤慎其防、云嘗見一山海中、沙石、咸黃金

也載之則舟膠不出、歸諾諸其主、資三年之糧  
遣之求、不得其山、上岸汲水、為南部人所禽、擄送江  
都、其所言如之、見利遺生、有擒死洋中者、明亡時、鄭  
芝龍等奉唐王為監國、取臺灣自廣、紅夷不知其事  
不由清、益以為怨、得清人便教、後盜普陀山、燒之、歸  
如長崎、居數日、矢火自燔、併所元資、咸盡、清以是深  
疾紅夷、賂中貴人、未之不許、朝鮮得紅夷、語不通、置  
之海濱、寬文中、掠得小舸、奔長崎、諸蛮不通朝鮮也、元  
祿十三年、入尔馬泥亞、伊把你亞、構兵、紅夷漢人  
刺助入尔馬泥亞、辨郎、察波尔杜瓦、尔加西郎助

伊斯地你亞、戰結不詳、尙小國間于大國、有難伐、故  
不善者、名都汝野、咸廢、正德三年、渝平、還俘唐、歸、侵  
地而去、紅夷之舟、益通、莫听不至、  
諸尼利亞、与思可齊亞、同一島、而近于紅夷、俗鷲悍  
善沒、出利劍、好行劫海上、諸蛮若之、呼為海賊、國王  
尊天主之法、聞之、恐懼、立禁之、天正中、載貨至平戶、  
慶長、幸于紅夷、至泉、曳久之、以所得不償所費、謝  
平戶、侯、歸、符、由此、紅夷、益得志、寬永中、其王、廢妻、立  
妾、羅馬王曰、教門之戒、有十、茲、淫為、第一、今、諸尼  
利亞、廢其夫人、立妾、無道、允、諸君王、奉、天主之教者、絕

勿子通、延宝初、諸尼利亞至長崎、尹岡野負  
明以其所資來同于紂之、其符即歸平戶、後符不知  
孰是也、蓋元所給者不出其國云、  
伊斯把你亞大國也、南夷十八種、感受其弊、令世有  
島材、以天教雄于一方、夷人信服、善貨殖、轉販諸國、  
慶長初、取呂宋、通使日本、号新伊斯把你亞、寬永中  
達長崎、以奉天教劫之、

新伊斯把你亞者、伊斯把你亞種也大國也、在東海  
外九千里、長亨中、始建國民物蕃庶、多金銀銅鐵、及  
他珍異、西洋諸夷交會之地、慶長十九年、其國人

為風所漂、至東地海濱、給糧、繕舟而返、久之、獻土  
物來謝、洛富人田中勝介、子俱至其國、明年秋、歸獻  
五色罽、葡萄酒、其國人語勝介曰、相去万里、生死且  
不測也、日我所以往者、以救我于艱難、欲一至謝之也、  
子請勿復來、

佛郎機在北海中、与紅夷伊斯把你亞、意大里亞、接  
境、大國也、多金銀、美酒、漿為高、雄諸國、曾通于日本、  
那勿蠟小國也、在伊斯把你亞北、其王誓以天教化  
橫目之民、棄國遊四方、寬永中、由呂宋至長崎、被誅、  
西齊里亞在意大里亞南、海中生珊瑚、有二大山、其



一者常有火一者有烟四時不更寬永中西齊里  
巫人至長寄棄耶菴著書三卷官為給衣食改名岡  
本郡就

意大里亞治羅馬城六十八里城郭宮室甚宏麗  
立國以來千四百年國無火災民物蕃庶天地之所  
生無無者國王專奉天主教長于三十餘國咸受  
其教官九等學二十科其文字見若篆籀者見若  
行草者諸有古今雅俗音韻詞藻也天文地理曆象算  
數醫藥方術莫不備具四方學者居羅馬城七十万号  
王曰教化王其俗被長袍小袖無冠教導之管加以

白氈幅布如方袍者進下開之以長短為尊卑之差  
王則二人執從其後至征敵國有蠡鼓幡蓋旌旗之  
設專銃炮之利二千餘年莫敢敵也自士庶人富者  
至于王一夫一妻死則不更嫁娶無子絕嗣以姦人  
之婦女為罪莫大之王死長子嗣無子令臣民各以  
意書可立者封而上之王閱之立所薦多者官闕  
亦如之不敢擅与人爵錄宝永中有異人居薩海上山  
中薩人擒之送長寄言語不通文宗時在東宮聞之  
語源君美曰彼亦人也非鳥語牛鳴之類文宗  
然之迨嗣位命与紅夷一人俱至江都其人持二書

記日本事及語、君美日至舍、与文語、且問所以來  
之狀、譯者与紅夷、語往來、其人按書應對、竟無所失、  
偶有不通、紅夷為之指陳、其人曰、教化王聞大國之  
義、遣使求開禁、通商賈、見方國圖、言所由來、与宇宙  
之間、論教化之法、曰、六合之中、其法有三焉、一曰西洋  
教、一曰莫臥兒教、其一教及印度、浮屠之教、不絕  
如綫、又有一種、儒道、其法行于支那、然居東南之隅、  
不能化一城、何遑它及、且今舉國為鞮鞢、如此小數、  
雖有如無、不足為教也、君美乃記其所言、以進文、謂  
采覽異言、紅夷國志、使紅夷送其人、歸意大里亞、許

通商賈、

齊狼島、亦名錫蘭、在南海中、其國与柯枝相望、  
其俗与莫卧兒相類、其人短瘦、善沒水、白眼、絳唇、  
赤髮如螺、色不深黑、所謂寬崙勃者、紅夷掠之、  
以從、遇之如雞狗、

巴且去長寄一千四百里、在臺灣南、延室中、畜十六  
人、為風所漂、至日向、唯食犬、不食它物、日向送、至長  
崎、道死者十人、見紅夷、有甚悅之色、紅夷乃出萬國  
圖、示之、指之曰、巴且巴且、語竟不可知、乃使紅夷送  
歸其國、其六人往、病生而瘞、還者僅二人、後紅夷

開市場八丹、疑其地、  
番丹去長崎三千五百里、在爪哇南、清人至其國得  
異物來、貿諸長崎

波示杜瓦示之地、北接拂郎、東接伊斯把示、西掩  
大魯西亞、西盡大洋、財饒兵強、最大國也、西洋之通  
波示杜瓦示為先、天文十年、至豐後、教造之鳥銃、十  
二年、至薩摩、從是、大率、歲至元龜初、謂大村、  
曰、見海灣、莫若深江者、族以為然、遷高來大村、  
平戶之豪、与之交易貨物、使受其教、豐後大友  
義鎮、遣植田玄佐、報聘波示杜瓦示、玄佐因遣其子羅

馬學耶蘇、而去、佐死于波示杜瓦示、時波示杜瓦示取咬嚼  
吧臥亞阿媽港、置明亡人知書者、通四方之志、秀吉定  
九州、豐後、族見教師于秀吉、以為倭出之境、尚  
不絕其人、今通市、慶長十三年、有馬暗信遣吏士三  
百人占城、為上末奇楠、歸過阿媽港、波示杜瓦示謂掌  
船者加必丹、謂掌高者、真如虛、相子謀曰、長奇人  
數出、知土地之產、子珍異之所由來、非我利也、不若殺  
之、滅其跡、彼見其出不歸、不出、我大得志也、殺  
更士從者、蠶焉、唯奴三人、伏貨中得免、亡歸、言加必  
丹之謀、明年十一月、加必丹至長崎、知事池、不肯

離船、晴信及長崎平已受上命、出兵將伐之、逃至祝  
島、有風不能去、船中多火器、殊死戰、使善沒者棄鏡  
堅、不可折、載柴燒之、却為所燔、二子乃連船、斷岸  
路、攻斬船主、於是蠻自知不免、噴吶囉以証、鼓砲銃  
諸、可作聲者、擊之間、數百里之外、前自蠻脫岸者、知  
火藥所在、發箭燒之、火發船燒、無一人得免者、縱蠻  
居長崎者、歸阿媽港、告以誅加必丹之意、且聽其改  
過自新、蠻大恐、後二年、海船總兵東過我、遣東魯訥  
朝駿府、給之信牌、以亞蠻來稱、總兵巡海務事、太宗  
時已平耶蘓、以阿媽港蠻子、伴天連俱來、絕不得近

塞久之裝貨、又至上使、大田資宗如長崎、責蠻、知日  
本禁伴天連、潛資亂邦政、逐出之境、蠻不可、又至、使  
加、凡忠澄野、山、煮綱、如長崎、盡燒貨物、殺六十  
三人、故十三人、歸阿媽港、前是王取婦伊斯、把伴、死  
國人奉遺腹子、立之、亦早死、先王之弟、有出家、修  
道者、大臣迎立、亦無子、立兄之女為王、女王敬天、教  
遣子羅馬、學道、母死、不肯歸為王、國無君、六十年、教化  
王曰、天以國予子、不受、逆于天、兵正保四年、乃歸為  
王、遣使、日本、告嗣、請修旧好、長崎、甲馬、場、利、重  
使、更視之、舟二艘、多兵器、無貨物、利重發諸、戾、兵

五万舟六百圍之既縱歸後三十八年送奴人遭風至  
阿媽港者十一人至長壽三尹河口宗宜逐出之境  
曰後有送流人來者誅之

咬嘈吧者叭哇邊也去長壽三千四百里在南海中赤  
道之下常暑熱穀再熟其曆二分為夏二至為冬  
二春秋而成八時其俗大抵同暹羅赤髮黑面有文  
身者男蓬頭女推結纏以白布多鸚鵡遠哥鸚鵡孔  
雀火羅水犀豪豬香猫之屬出雞舌龍腦胡椒肉豆  
蔻檳榔子班枝花蔴甘蔗燕窩蜜蠟各色間道  
石貝黑布明亡人居焉呼唐人叭哇人昏惰尚田

教明萬曆中波示杜八示厚幣假地造府庫既而立  
垣叭哇不禁遂以為城置守兵謂之咬嘈吧叭哇無  
如之何却服屬之供其後寬永元年紅夷襲取其地  
波示杜瓦示率叭哇攻之叭哇信鬼畏猪如虎紅夷驅  
猪趨叭哇陳繼以金鼓叭哇曳兵走波示杜瓦示大敗  
紅夷兵三千築十餘城唐人三万皆屬焉

呂宋在廣東南海中明萬曆中伊斯把你亞高往來  
呂宋知其主昏士弱重幣阜辭請為府庫之地輸稅  
供役如編戶之制藏兵器于中潛固其牆壁威脅  
士人襲殺王所署置有王有鎮守有東洋總評夏

其鎮曰羨壠沙機、明人居南海上、采礦十三萬、日本人  
居東海之濱、學耶蘇三千、自衣服器械、咸用本國之  
法、不得與呂宋交通、變俗、慶長六年、呂宋人來言、曰  
本人與明人為盜、是時上聞、濃昆數船大國、今呂宋  
種而相通、親善、盛欲通、濃昆數船、詔使者曰、明非我  
令之所及也、日本人已在呂宋者、當刑者刑、當殺者  
殺、如呂宋之法、自今後不持符者、咸亡人也、符則復  
書之印也、其人若不從呂宋之約、注姓名及所犯以來、  
呂宋人至濃昆數船者、避風日本、通日本于彼、賜  
兵器遣之、濃昆數船即新伊斯把你亞也、明年呂宋

至土佐言、如濃昆數船遭風、為其八船請給師、上許  
之、而濃昆數船遂不願通、日本十六年、呂宋王貢土  
物、明年又來、後果絕、西洋諸國、呂宋不復來、  
石城在交趾南、狹陋多漁者、丁農、去長崎千七百里、  
周時重譯至者、越裳氏之地、秦曰林邑、漢曰邑連、  
其曰石城者、始于五季之世焉、明洪武三年、石城王  
朝于明、屢為安南所苦、去其俗、無衣裳、不知朔望  
屋檐、去地不過三尺、方北向、草木不枯、雖嚴冬、如明六  
七月、慶長十一年、石城王貢方物、十六年、因呂宋人  
賜王刀一、王妃姊妹衣服有差、命貢奇南、

暹羅在占城西南海中七日程去長崎二千四百里  
在隋唐時稱曰赤土國元時有羅斛暹二國羅斛併  
暹号曰暹羅其國之大庫司九府十四縣七十二大  
庫司之職如明布政使府縣皆屬焉其地西北有大  
山東南平行天常熱瓦屋層閣藤竹之席男子去鬚  
髮於頂上以存七耳金花飾冠齒瓔珞軍衣長袖佩  
刀婦人盤髻加飾沐以香油被草席身人無衣履以  
花布掩前後耳馬短於驢畜象駕車充耕釋任載野  
有虎豹犀獅水牛山馬香麝鯊蛇鳥多孔雀白鴉椰  
子檳榔肉桂甘鹿紫白檀烏木具多沈香土石之可

嘗而治疾者甚多屋大抵以竹為棟梁無大小麥黃  
白粱四時食瓜茄穀三熟一兩之銀代米二斛一月  
之直大率二錢民無知饑乞食者一家之所食可飽  
十人一日穡則有十日之資風俗剽勁性陰賊人懷  
毒藥候伺雖同行千里之途未嘗同食人帶瓦釜炊  
食明時破真臘降其主以兵霸諸國聞明于日本相  
距朝鮮遣使握以喇等請擣日本兵部尚書石星奏  
請許之巡撫蕭炎統論其害罷之慶長十一年暹羅  
貢方物賜鎧刀遣之命貢奇楠末烏銃火藥從是其  
人數來十八年小倉茂獻象牙白絹孔雀豹皮其餘

人如暹羅所買者也、元和三年、勢人山田長正載貨至  
暹羅、會六昆大庫司背王、連年不平、國王來舜烈  
摩偷摩匹浮臘浮烈照景倫怕臘馬呼陸闡安瓦臘  
瓦离西平皮那馬呼离洛縛樂刺納臘日佗尼無离  
倫宣言、出日本兵、以長正為將、平六昆王、乃以女妻長  
正、使決事、長正乃說王貢獻日本七年、遣坤屹寶  
參密坤備斜葺、使奉金葉書入貢獻、寬永五年、王死、  
子奈舜烈摩倫摩匹洛臘照景朗怕臘馬記陸困安  
瓦納瓦離西昆耶摩訶離祿普樂噸納臘日佗尼務  
離倫立、明年遣使鸞汝悃納勃坤喇圭离坤若車未

等奉金葉書入貢獻、從是之後、暹羅人又來會絕兩  
洋諸國、明曆中、因清人請開禁許之、初京師南鄙改  
畧人往、如交趾暹羅東京埔寨等國、洛角倉氏  
奴子高沙人宗心、還自西洋言、自長崎南千三百里  
至阿媽港、其地不見北斗、自阿媽港南三百里、至約  
尾島、又西南三百里至交趾、又南四百里至占城、又南  
四百里至東埔寨、又西南八百里至浮屠、所謂摩竭  
提國、龍汝河口、自長崎至龍汝河口、三千八百里、周  
歲始達、摩竭提國在暹羅北四百里、國中有釋迦  
所居、曰祇園精舍、瓦石縱橫數十里之間、此其跡也。



云、  
滿刺加在右城南、去長寄子七百里、古謂之頓繇、明  
永樂中、若暹羅之役、納貢于明、受封爵、從是暹羅不  
敢擾其國、後百餘年、波示杜瓦示伐城滿刺加、明世  
宗即位、詔波示杜瓦示復其國、諭勅大國、以繼絕興  
亡之義、咸不應然、其人至長崎者、至今稱麻六甲、  
大泥在暹羅南、去長寄二千二百里、古南天竺之地也、  
初腹事爪哇、稱曰勃泥、明詩、屬暹羅、事明甚恭順、  
萬曆中、王嗣絕、國亂、夷侵其地、大臣悔共立前王之女  
為王、慶長四年六年、並納方物、十一年、惣日本船

暴大泥、神祖賜書慰之、云、歸則治罪、大泥有大鳥、  
名尼慕、走也、駿馬不能及、翅長不能自舉、貴人以其  
喙為盃、取羽作盃纒、

東埔寨在右城西、去長崎子八百里、古真臘地也、今東  
埔寨大泥滿刺加、咸三佛齊種也、咸熱國也、東埔寨  
多蚊、富者晝夜居帷中、身者子不輟扇、以自防、其曆  
以十月為歲首、穀再生、以故富饒、唯若恒河、二大河也、  
夏秋之交、浸長侵城郭樓居、舟行數月而止、有  
三教治其國、慶長八年正月、國分為二、遣使日本求  
兵器、乃給刀二十、遣之、割符通商、賈久之、神祖遣

明人林三官、求奇楠、閉冠不達、十三年、東埔寨人握  
坤窓、字言、東埔寨、与石城平、今石城輸奇楠尤好者、  
神祖嘉之、与之力十、馬二疋、又前日本商盜東埔寨者、  
盡伏其罪、而其黨據湏濃、波夷、叔商賈、恐誅不敢  
歸、神補語其使曰、歸語汝王、其地遠不可遣兵往誅、  
王其發兵速殲焉、十六年上見其使、從是每至常見  
之、寬永四年後絕不來、然清人至西南諸夷交易貨  
物、至長崎、諸夷亦或載与之俱來、今專達長崎者、清  
紅夷已、

安南古交趾之地、去長崎千四百里、唐以前內屬、置

郡縣、五代時、天下分爭、不復及方隅之事、土人曲美  
美據有地、宋初封丁部領為交趾郡王、三傳為大  
臣黎桓所篡、黎氏有國三世、大臣李公蘊篡立八世  
無嗣、女壻陳日炬代之、明建文元年、大臣黎季犛大  
殺陳氏宗族自立、號國大虞、永樂五年、明代取其地、  
為郡縣、既黎利作亂自立、明帝不能復遣兵、署利權  
治其國、黎氏復興、安南大抵与雲南同俗、知礼樂之  
教、學聖人之道、其地無霜雪、夏秋水大出、原田行舟、  
禾之長至五六尺、慶長七年、安南王奉書閣下、賜之  
復書、以其印為符、通商賈、無符者殺之、勿報、從是五

其人至、賜以兵器、獻沈香、屑水沈、冰糖、象牙、鸚鵡、孔雀、利牟、鷓鴣、綵綾、洛賈人中、烏道暗、幸神祖、從容、謂神祖曰、外國系賤、賈之可利民、上乃遣道暗等、交趾、角倉氏、選獻綾繒、及斑猫、葛上亭長、寬永九年、明崇禎五年、安南入來言、黎莫爭國、戰無止時、後絕無來者、

東京安南種也、去長崎千六百里、其地肉桂、天下貴之、寬永六年、長崎尹給末次政直符信、往東京、長人在東海外、紅夷曾蟻其南邊、遣人汲水、舟中、怪其久、往見之、有家甚崇高、恐走還、至船、果有追之者、

長三三大、半浚水而止、紅夷斷纜而走、於海中得一尺中指之骨、五寸許、度之五倍常人焉、慶長中、封匱甚固、流抵羽州、或告諸最上氏、祭之、盛長人尸、時以為不祥、毋何、最上氏亡、蓋其俗人死、棄尸海中、又西南海中、有五六百里國、紅夷後適、不見其國、又如北海、紅夷前來者、遭寒凍死、其尸立者、臥者、坐者、作者、經年不化、

雞脚蠻在臺灣西南面、黧黑足、或三爪、或五爪、捕鳥獸食之、上下山若飛、刀兵有毒、觸之立死、清人至其地、無還者、相馬嘉兵遭風至此、見金糴米不勻、脫木

綿衣代之得五六升、頃之相聚三四十人、見其足咸  
三爪、見之驚走、得免、  
史臣曰、吾見西南事、知物之變無極也、嘉撫御有方、  
序列其通于邊者矣、

自序第十五

卷八十

澀井氏不詳其所繇出也、考中古以來歷譜牒、及徽  
志、蓋平氏之族與平常胤之後至蕃、分處武總之間、  
咸因所食邑為族、其中有萱間、有澀谷、有磯馬、谷場、  
吉廣者、生三子、皆顯貴、今其祠在利根水之南、曰一  
位祠、二位祠、三位祠、何之遷也、出其間而三位祠處  
水之北、谷場疑萱間也、因音近訛、兵越相交、爭、越君  
輝虎令其將木戸元齊、因崎玉豪傑、城羽生而逼忍  
萱場源五子澀井吉元、磯吉直、以兵屢之、攻菊郡、  
縣無止時、吉元者源五從子也、号曰越前守吉直、曰

豐前守其卒元齊不能堅守連越之兵于源立謀棄  
地北歸源立子曰光齊善吹笛目盲不能遠視吉元  
子之共止居名村之壁一為相一為越不專有所屬  
也相君亦以其能自得不使寇超河而南置不之攻  
蓋萱間又為萱場澁谷為澁井也天正十八年秀吉  
伐相亡北條氏移參公都于江戶謂之神祖一既東  
封大久保忠隣于羽生忠隣叔父忠教為忠隣治  
內事不能出故行其邑逐士族無所屬者毀其壘壁  
於是吉元子卒伍平塙壁耕焉遂名村民吉元子  
曰吉重以磯吉直子吉綱為後吉綱生吉行吉生

利光及利之生重之知義重之生長賢孝德慶  
元以來兄弟之家有三四朝廷每有大興作雜役署  
典其事然我離墳墓畢訖謝罷皆清廢治辨司農常  
以為言當于末吏于郡縣必先澁井氏王父名曰利之  
始事諸族居足利然不以其家行十餘年忤家丞  
罷侯知非其罪留其次子知義善遇之予使父也王父  
於諸孫中愛予兄弟諄教誨以期乎有成也前是  
先君子亦出給夏司農府充山陵佐吏畢事去寓林  
祭酒家子處士根本遜志水戶名越克敏肥後秋山  
定政都講井上通熙相知甚驩晝夜飲酒不事

咸當世知名之士而預其流者大率以拓落不羈稱久之為長賢實贊于定政為孝德實贊于道熙使誦經史當喟然歎曰大 夫貴適已之意齷齪無為也方王父指館舍語于兄弟曰洪井氏之先雖不著武制一城之命以不在興家凌遲至于斯汝輩勉旃今天下雖世及有時乎用材矣用而若舍命也非入也亦有如藏材成器以著父母于後世亦有自為耳成之也難遇之也易汝輩先其難者待其易者當今之士耀輿馬革劍履使令僮僕取采于一世之間者咸其先艱若所得累世承其慶也其人多氏族不能知尚

何舉其所以使人歎于門所不聞見所不見哉先人有傷于此訪故老序奮聞欲以成其編善者勸者過者改之下以傳諸子孫意甚成矣然未有成沒我亦病不能也汝輩其勿忘諸既長賢繼仲父後予給事翰林多所觀諸子百家之語十年所會謁者山刑侯遷大阪留守舉予与俱如大阪典府謁歲餘侯入為知政事移封佐倉初府多事或守謁者或御使命往來東至佐倉北至光陵俄罷特典經籍位卑祿微優遊自居因是亦自備粗讀聞天下之大計本會同宗遇祭祀朝覲宗室列侯之所事朝廷吏之所職先君

子歿之後、會侯之就世、予乃愀然遠慮、愍然深悲、外  
之無有所建明而舉、忘補闕以益所事之君、內無續  
賢者之緒、苟羅異聞以俟後之作者、祖考之所望于  
余兄弟殆廢矣。今家兄亦新喪、而身始稱老、四體不如人  
遠、甚恐懼終無所成矣。司馬遷有言曰、尚書獨載  
堯以來、而百家言黃帝其文不雅馴、孔子所傳宰予  
問五帝德及帝繫姓、儒者或不傳、予觀春秋國語、其  
發明上帝德、帝繫姓、章矣。顧弟弗深考其所表、見皆  
不虛、書缺有間矣。其較乃時、見佗說、非好學深思、  
心知其意、固難為淺見寡聞道也。嗚呼耳食之徒、

誠不深考、誠不深考、浮言躁辭、終未見其有感者。予  
是以博考諸史傳之文、採摭長老之所稱、并論次成一家  
言、其意欲傳國家德業、暨父祖所望于予者於後  
矣。傳曰、慶長十六年、始置史記事、記事蓋起于斯矣。  
維其後天下既定、無事、命通才之士、所作極多矣。自  
宗室列侯有司、錄所藏家之書、送官備且盡矣。然  
國史盛揚祖宗之美、不合典禮、不應教制、粗涉權變  
者、卻之不序列國之史。士大夫之書、獨舉所以興起、謀不  
中、戰不克、廢替絕絕、匿而不說、唯野史無嫌于此。內  
而宗廟朝廷、妃嬪贊御、外而列國附庸、陪僮、輿隸、

商農巫僧之流有聞便記有見便錄無文飾無憑  
諱或足以補之缺矣野史之弊有以小覩大以右概  
今信流俗之言也其自欺人固亦不可觀之君子  
也今之述事者夷考得失錯綜彼此疑以傳疑信以  
傳信於所不知闕如也庶亦無難焉司馬遷據左氏  
國語采世本戰國策述楚漢春秋接其後事訖于天  
漢天下遺文古事靡不畢集大史公乃父子相  
續纂其職可謂備悉矣然薦紳先生謂為多陳謬  
非難之又難哉然比之今日易耳慶元以前叙戰爭  
縱橫之變有如左氏國策者乎慶元以後舉制度

文章有如大史公所得觀律令章程軍法圖書者乎  
事之雖小人之雖微方其叙之之時必也參之必也上  
下之必也以臆斷之而後方始筆之于冊而况於朝  
廷之議四方之慮乎神武以來一百有二十世中兼失  
政文武爰分降至織豐之霸天下大亂臣弑其君者  
有之子弑其父者有之皇統之不絕如繫我神祖  
起自岡崎奄有天下臣列辟而事天子一君一臣如  
固有其道是蓋時之變大矣縉紳先生以古者列國  
之義質之以官爵之号裁之者有嫌乎專矣有言  
黜周王魯者近誣矣有以霸為言者類竊威福矣方




夫撥亂反正之時期乎安四海子百姓豈有意于名  
位哉謳歌者不謳歌西而之東訟獄者不訟獄西而之東  
一姓不再興天報有德如壽命之者也進爵  
尊号在于往日而画可在于後日非所謂霸府遙制  
也以將軍号令天下以國号交于隣國非黜周王魯  
之義非如事必關白也諸儒所言皆不達變者矣因  
名制實因實制名自有一代之體不取乎遠稱先代近  
亂時制也或曰子譏諸儒大善其不紀皇室而紀江  
都取庚子已來何也余曰不然易曰高而無民尊  
而無位今皇室之謂乎尊而無位故得失之義不在

高而無民故治之事不由若必之乎灾祥之於天  
官也遷授之於中書也記注惟謹何以史為豐臣氏  
之侵明過秦之擊胡元離心已久何故載其孤庚  
子年我神祖一戰大捷如大阪聞天下諫已咸曰狼  
子野心莫養成其毒神祖曰噫小子無知何罪封以攝  
河分宗室列侯功臣土以鎮天下不有天命何能  
於此雖前史終乎乙卯所以國史起乎庚子也自庚  
子已來雖詔令並行其曆其元特以詔書行是亦所  
以表之先皇室也且不表者竟無見也此史之休為然或  
曰子親觀信宗之世何故不列也將有避也余曰不


昔孔子之弟子問孔子以今之賢臣而孔子曰不知也  
昔齊有鮑叔鄭有子皮夫以聖人之知猶不能審  
其時之賢者而小子何敢堪列之也勸懲非小子所  
任也毀與譽與我何傷也且此書能傳之于後哉  
國家之祚日隆月盛賢士大夫有能作者便有取  
于此是其志也維足利氏滅新田氏擅天下雖服其  
強有不厭于人心者是以不能正綱紀施仁義定列  
郡撫兆民盡仇敵也矜寡孤獨推魯之民尚望新田  
氏之復興而輔皇室也參始祖僅有數頃之田已有  
匡正之志之子之孫相繼增其業至神祖廓疆土勢

以足爭天下不為也柔以制剛靜以克躁愛者助之惡  
者成之自然不得不爾德祖美頌不更大宗相時正上  
下之分其業大成嚴宗之小心憲宗之雄傑文章之文  
德宗恭儉咸有一德作紀七卷雜 天子之尊、岳  
拱無為公卿大夫踐禮遵軌江都因事立官、列  
侯分疆有土封宗室功臣于其間撫安天下之民象  
賢克繼不肖即隕可為惕也作表十卷天皇之治載  
在方策江都之政隨時損益有自然而然而然也、有為之  
而然也作志八卷昔源賴朝制誅殺去命号稱伯三  
世北條氏竊其權自此四隅方強有封建之形足利



氏既弱皇室、兆民不復知有天子、詔令不出閨闈、六  
 內、貔虎之士咸君列城、其叔世犬兼小強、併弱、不肯  
 朝京師、不肯供貢賦、列郡不復知有足利氏、織田起  
 于陪臣、豐臣出自輿僮、恣意斬艾、樹己黨親、慶長五  
 年、天下分裂、比武定、廢絕殆半、神祖乃推亡固存、封  
 有功之士、自後以勲以勞、雖不侯有邑、有祿、世  
 及成、則內以慎其職、外以畏其威、名教是崇、百度畢  
 足、作傳五十五卷、國史八十卷、雖不足稱揚 聖世、  
 於所傳聞、載不遺矣

國史紀表志傳凡八十卷、所據書二百二十五、寶曆  
 元年起草、明和七年功成、其成也、五易藁、二十經歲、  
 公聞命錄上、既諸可湏者、二月十九日起筆、上卷九  
 卷、三百四十八張、中卷七卷、二百七十一張、下卷十卷、  
 三百九十八張、通二十六卷、千十一張、八年辛卯四月  
 晦、孝德夫妻子男所書三通並成、與男德章甥  
 山純方校訂、始于五月朔、畢于六月晦、七月二十七日  
 上二通、留妻所書一通于家、八月十五日  
 公親序之、使丈夫常朝視草、孝德寫之、并家藏本焉



Handwritten text in vertical columns, likely bleed-through from the reverse side of the page. The text is faint and difficult to decipher due to fading and the paper's texture.



